



# AVROY.



SIRE,

Regardant dans les siècles passez, nous apprenons de l'Histoire de Suétone sur la vie des Césars, que le grand Auguste Prince autant amateur de Paix, & de Justice, qu'ennemy de troubles, & de mesdisances, fit fouetter publiquement vn certain boufon, & charlatan, appelé Fannius, sur trois theatres differents, pour auoir en vne farce iniurieusement diffamé la reputation d'une matrone Romaine, tant pour reparer l'offence faite contre l'honneur de ceste Dame, & pour la remerité de l'auoir entrepris en sa presence; que pour le temps qu'il auoit fait perdre aux escoutans de prester l'oreille à ses bagatelles.

Que si la peine doit esgaler le demerite, & le chastiment balancer avec l'offence, quel supplice, SIRE, quelle punition ne meritera souffrir au trosne de vos iustes iugemens ce nouveau charlatan, ie parle de l'Autheur de l'abbregé des Memoires representez depuis peu *V. M.* non contre vne Dame de ville, mais contre toute vne sacree Religion, qui vit, & fleurit, il y a plus de cinq cens ans, en honneur, & reputation irreprochable? Quelles peines (dis-ie) sont deuës à cet audacieux, & insolent, non pour auoir ioué vne farce commune sur vn theatre de Comediens: mais pour auoir



mis au iour vn libelle infamant farcy de detestables discours, & odieux à toute la Chrestienté, non pour l'auoir esclôs au milieu de nostre France, & publié durant le regne du plus iuste Roy qui se voye en l'Vniuers, mais pour auoir esté si temeraire, & effronté de le luy presenter (comme quelque chose de prix, & de merite) non pour le temps qu'il a faict perdre à ceux qui l'ont voulu lire, mais sur tout pour le scandale qu'il a donné à tout le monde de sa lecture.

Veritablement si ce grand Monarque Romain s'est acquis de l'honneur, & de la gloire dans les Annales passees, pour vn si iuste chastiment d'une mauuaise langue: Vous, SIRE, en qualité de Cesar tres-Auguste, & tres-generoux de nos Gaulles, & le plus puissant, & iuste Roy qui soit au iourd'huy en terre, acquerrez encores plus de benedictions, & de loüanges dans les siecles futurs, en condamnant iustement d'un si meschant Auteur, vne si meschante, & pernicieuse plume.

Et parce que vostre Majesté est le viuant, & veritable pourtraict de la Diuinité, (qu'à elle seule de droict, & par essence appartient la vengeance des oppressez) & à vostre Majesté (par prerogative, & preciput) la protection, & sauuegarde de ceste honorable Religion, peuplée si ancienne de tant de grands personnages, Academie generale de tant de braues Cavaliers, le rampart de la Chrestienté, l'Arsenac des forces de l'Eglise, le Phare de la foy, le Bouclier de l'Euangile, la terreur des Infideles, & l'eschole Militaire de tant de valeureux guerriers, & invincibles Capitaines, qui par mer, & par terre ont acquis par le passé, & acquerront tous les iours, à l'exaltation de la Croix, & pour l'honneur de tous les Royaumes Chrestiens, des victoires infinies, & qu'avec cela les principaux nour-

rifions de cet Ordre, sont en partie les appui, & estayes tres-fortes de vostre Estat, & des plus fermes arbutans de vostre Couronne Royale, c'est pourquoy ils sont alte deuant vous, inuoquent vostre Iustice, & vous demandent tous tres-humblement audience.

SIRE, prosterneZ à vos pieds, ils implorent la puissance de vostre bras puissant, pour auoir raison de leur ennemy public, abattre ce Philistin incirconcis, cet infidele à son Ordre, qui en façon de Goliath veut brauer seul toute la Noblesse, non pas d'Israël seulement, mais de toute la Chrestienté enrollee sous les estendars de Malice, & luy faire perdre l'honneur, en luy faisant perdre son Estre, son Chef, son Institution, & sa grande Maistrise.

Ils ont recours à vous, & deuant vous, pour poursuire la iuste punition de cet enfant de nature, forgeron de tant de calomnies, & d'impostures qui les poursuit au criminel, blesse l'honneur de sa chaste, & innocente Mere, tasche à sapper les fondemens de son Ordre, & en vray Corsaire d'Alger (plustost qu'en Chrestien, & noble Cheualier) s'efforce d'abolir l'Estat d'une si sainte, & ancienne Milice, pour cela à force de vœux, & avec toute humilité, ils supplient V. M. d'humilier son orgueil, chastier sa temerité, & venger leur innocence.

Et à ce que chacun recognoisse aussi bien la malice de cet Auteur, comme sa degradation est reconnue dès long temps y a de tout le monde, ie m'offre de faire voir clairement aux yeux de vostre Majesté, & de là à ceux de tout l'Vniuers, que tous ses Memoires sont aussi faux, calomnieux, & esloignez de toute verité, qu'il est escarté de la vertu de ses ancestres, & de l'Ordre qu'il blasme.

D'ailleurs, afin que l'air de la mauuaise impression

qu'il pourroit auoir donné dans les esprits foibles, & mal timbrez de ses erronnes propositions, soit chassé, & dissipé au Soleil, & à la presence d'une tres-certaine verité, attendu que com ne disoit un ancien Philosophe, la calomnie fille noire des tenebres, a cela d: mal-heur, qu'elle fait plus de mal que ne font les ennemis, & plusieurs ont esté plus grieffuement bleffez, & receu plus grande iniure par infirmité, & foiblesse des oreilles des escoutans, que par les armes, & embusches ennemies, ie me suis volontairement, & des premiers presenté pour m'ir, & rempart en Israël, pour luy donner la chasse, arrester ses passions, & luy dresser tout à point une contre-batterie contre ses vaines, & inutiles batteries.

L'ay creu pour cela; quoy que le moindre de mes Confreres, & le moins capable parmy tant de braues Cheualiers, & Commandeurs, & qui scauent la pluspart aussi bien manier la plume que les armes, & ont le discours aussi facile que l'escrime, estre obligé par honneur, & par deuoir de descouurir les faussetez, & intolerables impostures de cet abbregé plus gros en mensonges qu'il n'est en lignes, ie dis obligé à bon escient, de les refuter en Laconique, tant par nos statuts, qui n'ont iamais passé deuant ses yeux, que par les Histoires, & les Priuileges des Papes, des Empereurs, & des grands Roys vos predecesseurs, que V. M. nous a Royalement, & religieusement conseruez iusques à present, & dont l'Ordre luy a, & aura à iamais des obligations particulieres, & eternelles.

Et par ce moyen le combattant en ruine en ses propres discours, & le perdant d'honneur à la verification de ses malicieuses impostures, s'espere faire triompher la verité au dessus du mensonge, & donner à cognoistre à tout le monde

(quoy que la mesdisance, & calomnie sont pires que le glaiue) comme souloit dire Democrite, car celuy-là coupe seulement, mais ceste cy separe, & emporte quant & soy la piece, & Hippias la iugeoit pour estre vn crime de haute lice, & tres-abominable, puis que les loix ne luy auoient point ordonné de peines, non plus qu'au parricide. Et que de trois choses que le Sage craignoit, & apprehendoit le plus, la calomnie fausse, & menteuse estoit la pire. Je me promets, disie, & l'assure à V. M. SIRE, faire voir, & tenir plus veritable ce qu'a dict autrefois vn grand homme, que c'est le naturel de l'imposteur, & du faussaire de blasmer, & accuser toutes choses, & mettre tout au criminel. Mais ne verifier rien, & ne faire aucunes preuues, & comme adioustoit encores vn autre, que la calomnie à sa naissance, & de premier abord iette bien par les oreilles des escoutans quelques soupçons, & opinions en l'ame, mais avec laps de temps, & à la premiere saillie de la verité tout s'en va en fumee, & n'y a rien de plus foible, ny imbecille, car assurément à la seule lecture de ce discours, la descouuerte se faisant des faussetez, & detractions de nostre aduersaire, tout son abbregé se verra conuaincu de faux, & d'impostures, & la verité presidant en son trosne, en plaidant pour elle-mesme deuant vn grand Roy, triomphera de cet ennemy, & pour reparation d'honneur luy fera mille affronts, & hontes sur le visage, & encores plus de regrets, de bourrellemens, & de gehennes en son ame de l'auoir si folement combattuë.

En fin, nonobstant le noir de ceste pernicieuse plume, on aduoüera que nostre Ordre est encores à present en sa premiere estime, que son lustre va tousiours croissant, & que iamais il ne fut plus redoutable, qu'il est maintenant au milieu des nations infideles, & barbares. C'est, SIRE, l'actile

des fideles, le centre des vaillans, le rendez-vous de toute la fleur des ieunes hommes, l'effouuental des Sarrazins, le bonheur de la Noblesse, l'escrime des bons guerriers, l'estape des enfans de Mars, & le commun haure des plus hardis, & meilleurs Capitaines qui soient auionrd'huy pour la marine, & quoy que sçache dire, & contredire cet esprit desmonté, on ne croira iamais à ses detractions, & calomnies, la verité maistrisera le mensonge, & l'Ordre bien composé de ceste Milice religieuse le mettra tout en desordre, & donnera toutes sortes de desmentis à ses Memoires.

Diogenes, vn de ces anciens, & prudents Philosophes, oyant vn iour vn meschant homme (nourry aux mesdisances) parler mal de Platon, vn si sage personnage, & l'offencer par calomnies: Tout beau, dit-il, tu as beau faire, iamais on ne te croira, en disant mal de Platon, ny en disant du bien de toy, en le blasphemant, & te louant, tes paroles, & tes discours n'auront iamais de creance pour me seruir à propos de ce braue traitt, i'en puis dire tout de mesme de cet autre mesdisant, car il ne faut pas qu'il espere qu'on adiouste foy à ses fatras, ny memoires, en descriant, & blasmant cet Ordre belliqueux, qui est honoré, & respecté par tous les coins du monde, non plus qu'en se donnant de l'honneur, & des louanges.

Malgré luy le Ciel, sous les faueurs duquel il milite, le benira tousiours, l'Eglise s'en seruira, la Noblesse le suiura, les Princes l'affectionneront, & les ennemis le redouteront. En despit de luy le roc de Malthe demeurera affermy, il se ioüera d'es foudres des Ottomans, brauera tout l'Orient, fera trembler l'Ocean, & sera vn escueil en pleine mer contre toutes les bourasques, orages, & tempestes des bandes infideles, que cet ennemy face tout ce qu'il pourra, qu'il

arme toutes ses passions, & ses fureurs, ses fondemens sont inébranlables, ce vieux roc est hors de sappe.

Puis donc, **SIRE**, qu'aux flancs redoutables de cet escueil les vaisseaux, & brigantins des ennemis eschoient si souvent, & les armes des Mahometains se perdent d'ordinaire, puis (dis-je) qu'au milieu des flots, & des plus furieuses vagues ceste Militante Religion, & Milice religieuse n'a iamais faict naufrage, ains a tousiours conserué soigneusement ce que la pieté de vos ancestres luy a libéralement desparty de meilleur, & de plus rare. Continuez-luy, s'il vous plaist, ces benins aspects, & utiles influences qu'elle attend de vous, comme de son Soleil, & Astre plus favorable, & ayez agreable que ceste responce que ie fais pour son honneur, sorte sous vos adueuz, & aye autant de credit, & de bon-heur marchant par mer, & par terre, avec vostre autorité, & protection, comme i'ay de volonté, & d'affection de demeurer inuiolablement toute ma vie,

**S I R E,**

Vostre tres-humble, & tres-obeyssant seruiteur,  
& subiect F. Anne de Naberat, Conseiller,  
Aumosnier seruant la Roync..



M A L T H E S V P  
PLIANTE AVX PIEDS  
DV ROY.



*Contre l'Autheur de l'Abbrege des Memoires presentez à sa Ma-  
jesté, pour la reunion de la Grand Maistrise de l'Ordre S.  
Jean de Hierusalem à sa Couronne.*



Es Historiens qui ont escrit l'extinction de l'or-  
dre Militant du Temple de Salomon, nommez  
les Templiers, rapportent que leur ruine proceda  
d'eux mesmes. par le moyen de deux Cheualiers  
de leur ordre, l'un Gascon Prieur de Monfaucon,  
& l'autre Florentin, conuaincus par leur Grand  
Maistre & son Conseil, de crime d'heresie, & au-  
tres delicts, & condamnez à la priuation de l'ha-  
bit, d'estre degradez de l'ordre de Cheualerie, &

detenus en vne prison perpetuelle, au Temple à Paris.

En haine de ce, ces meschants & mal'heureux, reduits au desespoir,  
en se petdant eux mesmes, se resolurent de trainer à leur perte toute  
leur religion, presenterent des Memoires au Roy Philippes le Bel, par les-  
quels ils firent entendre à sa Majesté, qu'elle pourroit s'approprier tous  
les biens desdicts Templiers & acquerir des thresors inestimables.

Le mesme est-il arriué à l'Autheur de l'Abbrege des Memoires don-  
nez au Roy pour reunir à sa Couronne l'ordre & Grand Maistrise S.  
Jean de Hierusalem, ledict Autheur nommé (cy deuant) le Cheualier de  
Moncal, Prouencal de Nation, issu à la verité de noble extraction,  
*sed tanquam degener filius à virtute maiorum suorum*, à noircy par son pro-  
ceder, la candeur de ses ancestres, & a esté par ses superieurs Grand  
Maistre, & Conseil de sa religion, priué de l'habit, degradé de l'ordre  
de Cheualerie, & condamné en vne prison perpetuelle, conforme-  
ment aux loix & Constitutions dudit Ordre; les Informations & le De-  
cret de sa condamnation en font foy, & publient par tout les marques  
de son infamie. Et la Sentence de sa degradation fut donnee à Malthe le  
13. iour d'Aoust 1612.

La longue prison, en laquelle il a esté detenu en la ville d'Aix en Pro-





ce, à la poursuite du feu Seigneur de Luffan, grand Prieur de S. Gilles, & du corps dudit Ordre, & la misere en laquelle il s'est veu plusieurs annees, & est encores à present, luy peuuent auoir tellement embrouillé les esprits melancoliques, qu'il s'est porté comme vne ame perduë dans la vengeance, contre sa propre mere, à l'imitation des deux miserables Templiers, *Paterna domus proditores*, ou pour immortaliser son nō, & couronner sa fin par vne action tragique, à la façon de celuy qui mit le feu au Temple de Diane en Ephese.

Pour donc faire paroistre la verité, deffendre l'innocence, monstrier les menfonges, & faussetez, & faire voir aux yeux de tout le monde, quel est cet esprit perdu, depraü & abandonné de Dieu, & de son Ordre, & qui cherchant de la reputation dans les ruines & malheurs, se dict auteur de tels memoires faux & supposez, qui ne contiennent vne seule verité, où l'on trouue autant d'impostures que de mots, & autant de menfonges que de syllabes, *nihil nisi quod latuit de sacco protinus exit*, où il mōstre son ignorance, en l'institution dudit Ordre, & de ses constitutions, & de n'auoir iamais leu les hystoires de cette Religion (encores qu'il les cite fausement, pour couurir ses pernicieux desseings, & donner plus de credit à ses meschantes impostures) Il faut remarquer les contrarietez, chasses de la passion, esquelles il s'enuelope, comme.

*Que sa Majesté est tres-humblement suppliée, de declarer tout à fait la guerre au Turc, & d'entreprendre quelque chose de grand sur son Estat, en ostant le pretexte de Malthe, qui empesche la navigation.*

Et ailleurs il conclud, *que par la suppression de cet Ordre, sa Majesté establira vne ferme paix avec le grand Seigneur.*

*Outre que sa Majesté augmentera ses reuenus de tres grandes sommes de deniers.*

*Que ses doüanes & foraines en vaudrōt vingt mil escus de reuenu d'auantage. & semblables resueries.* Il commence donc l'Exorde de son abregé par la SYRIE, disant.

*Que l'institution estoit tres-bonne, & fondée pour seruir les pauvres pelerins en l'Hospital de Hierusalem. Mais que cet Ordre n'est plus celuy qui souloit estre en Syrie, ou à Rhodes, fondé sur l'hospitalité, pieté & la guide des pelerins en la Terre Saintte.*

*Et qu'il ne faisoit la guerre que par occasion, & non par vœuxpres, & ce qui s'ensuit.*

Partant pour tesmoigner à l'vniuers que ie suis aussi zelé & affectionné au bien, à l'honneur, & à la conseruation de ce saint & religieux Ordre (comme il en est passionné ennemy) respondre à tous ses discours, senuerter toutes les calomnies, & faire paroistre à vn chacun, quelle a esté l'institution, & le progres de cette sainte religion des Hospitaliers militaires. Et contredire les impostures & calomnies de l'auteur dudit Abregé, qu'il vomit iniurieusement, & fausement contre les trois principales seances & retraietes qu'a fait cet ordre dès sa naissance en

## SYRIE, RHODES &amp; MALTHER

**E**T contre les personnes, l'honneur, les biens, les vœux, & exercices militaires de cette milice:

Je commenceray ( pour le suiure pied à pied ) par la SYRIE, qui est la premiere forge de ses faussetez, & pour suiurer par les autres, par lesquelles l'espere que ce bel auteur, *qui innocentes in culpam trahere nititur*, se trouuera remply de honte & de confusion, & fera paroistre qu'il est du nombre de ceux, *qui oderunt virtutem & impugnanti innocentiam*.

On le recognoitra deormais pour vn auorion de ses nobles & genereux Cheualiers, pour vn sanglant persecuteur de son Ordre, & pour illegitime Ismael, duquel est dict au seize du Genese. *Hic eris serus homini manui eius contra omnes, & manus omnium contra eum, & de regione vniuersorum fratrum suorum figet tabernacula.*

Car luy seul (à l'exemple de ce sauage) se bande contre tous ses freres, & tous ses freres contre luy, & par ce moyen il donne vn triste & deplorable suiet à tout ce sacré Ordre, tant estiné & honoré par tout le monde, de luy reprocher à iamaïs avec des regrets inestimables, *Si inimicus meus maledixisset mihi, sustinuissem vtrique: Tu vero homo inanimis, dux meus & mors meus, &c. Psal. 54.*

## S Y R I E.

**I**L est certain qu'en Syrie, & en la sainte Cité de Hierusalem, furent instituees cinq religions militantes, sçauoir desdits Cheualiers Hospitaliers, du S. Sepulcre, des Tépriers, de S. Lazare, Bethlehem & Nazareth, & de sainte Marie des Teutoniens.

Entre lesquels celle desdits Hospitaliers a tousiours tenu le premier rang, tous les anciens Auteurs en sont d'accord, & l'aduouent.

*Sacros inter ordines Militia S. Ioāni Hierosolymitani Bellici hodie laudibus clarissima meritis primas damus.*

Elle a esté reduite en vn ordre regulier par les François, en forme de gouvernement mixte, (ou plustost Aristocratique) l'annee de la prise de Hierusalem 1099. bien qu'elle eut esté instituee en hospital seculier, plus de 40. ans auparauant la conqueste de la terre Sainte, & les autres railices apres, toutes lesquelles ont esté esteintes, & leurs biens & priuileges vnīs & incorporez à celle-cy.

(Fors que celle des Teutoniens, dont apres la perte entiere de la Syrie en l'an 1291. vne partie se retira en Allemagne, & l'autre en Prusse, & finalement apres s'estre infectez de l'heresie des Pruteniens ledit Ordre a esté dissipé, & aneanty par eux-mesmes, & par les Roys de Pologne.)

*Obmissa Ptolomæide Syria sedes huius Castrensis religionis primaria in amplissima Mariburgi arcem translata fuit, ac sacri equites Pruteniani à fide alienam subegere. Chopin Monasticon. l. 2. Elencho 15.*

4

L'vniõ des biens des Templiers faite à l'Ordre militãt desdits Hospitaliers se verifie par trois Bulles du Pape Clement V. l'une dõnee au Concile general de Vienne en Dauphinẽ du 2.iour de May 1311. en la presence de Philippe le Bel Roy de France, & de ses enfans, qui assisterent audit Concile general, où fut decretẽ contre lesdits Templiers.

*Prætorum nomen & ordo penitus aboleretur & illorum bona ordini hospitalis sancti Iohannis Hierosolymitani (qui tanquam athleta Domini pro defensione fidei se periculum mortis iugiter exponunt) in perpetuum vniuerentur.*

L'autre enuoyee à Louis Vtin Roy de Nauarre, le suppliant de tenir la main forte ausdits Cheualiers hospitaliers en la prinse de possession des biens desdits Templiers donnee à Liuron Diocese de Valence le 13. May 1311.

Et la troisiẽsme, pour le mesme faict, donnee à Liuron susdit le 16. May 1312.

Outre toutes ces Bulles il en appert encore par Lettres patentes dudit Philippe le Bel Roy de France, donnees à Paris le 28. Mars 1312.

Et par l'Ariest du Parlement de Paris prononcẽ le Mercredy apres l'Annũciation 1312. en verifiant & emologant lesdites Lettres patentes de sa Majestẽ.

Et encõres par autres Lettres patentes dudit Louis X. dit Vtin Roy de Nauarre (pour le mesme effect que dessus) donnees à Paris le 20. d'Auril 1312.

Quant à l'vniõ des autres Ordres Militans, du S. Sepulchre, de S. Lazare, ou Bethleem de Nazareth, ils furent vnys avec leurs biens & priuileges à l'ordre desdits hospitaliers, par le Pape Innocent VIII par ses Bulles donnees à Rome le 27. & 28. d'Aoust 1489.

Autre vniõ fut faite de l'ordre & hospital de S. Samson de Constantinople, & de Corinthe, de leurs personnes, biens & maisons (& de leur consentement & requisition) à l'ordre desdits Hospitaliers, par le Pape Clement V. comme en appert par sa Bulle donnee à Auignon le 8. Aoust 1308.

Que les François ayent premierement institué cet Ordre regulier des Hospitaliers, cela est indubitable. Le Pape Paschal 2. le tesmoigne confirmant l'institution dudit Ordre faicte par Gerard François, par sa Bulle du 15. Feurier 1113. en ces mots.

*PASCHALIS Seruus seruatorum Dei, Venerabili Filio Geraldo Institutori ac præposito Hierosolymitani Xenodochij, eiusque legitimis successoribus in perpetuum Pia postulatio voluntari effectũ debet & prosequente compleri. Postulauit siquidem dilectio tua Xenodochium, quod in Civitate Hierusalem, iuxta Beati Iohannis Baptistæ Ecclesiam instituisse, Apostolica sedis auctoritate muniri, & Beati Petri Apostoli patrocinio conservari.*

Ledit Gerard, & Raymond du l'uy, tous deux François, feirent la premiere reigle & premieres constitutions dudit Ordre, l'un & l'autre l'instruerent successiement.

*In hunc potissimum finem, ut pro Religione Christiana, pro hospitalitate, pro peregrinantibus Hierosolymam, atque ad alia loca sacra contra Sarracenos, Tur-*

5

cas, *aliosque feros, & Barbaros homines, fortiter pugnarent.*

Les François s'unirent ensemble, puis se diuiserent en trois premieres langues, ou nations, de Prouence, d'Auuergne, & de France, & se retindrent les premieres dignitez.

A leur exemple les autres nations s'unirent audit Ordre, au mesme tēps de ladite institution, en forme de gouuernement Aristocratique (comme dit est) & ce du temps dudit Raymond, qui les diuisa en langues d'Italie, d'Arragon, de Cathaloigne, de Nauarre, d'Angleterre, & d'Allemagne.

La langue de Castille, Leon & Portugal, se voulut separer d'avec celle d'Arragon, & toutes deux furent depuis diuisees du temps du grand Maistre Zacosta en son premier chapitre de l'an 1462. tenu à Rhodes.

Pour les dignitez majeures des grands Prieurs, Baillifs Conuentuels & Capitulaires, elles furent pareillement en partie instituees par ledit Raymond, & augmentees par ses successeurs grands Maistres, appert de ce par les histoires dudit Ordre, & particulièrement par le Chapitre general de frere Roger de Moulins 8. grand Maistre celebré en la ville de Hierusalem en l'an 1181. auquel Chapitre fut enjoint à tous les grands Prieurs, & Baillifs des Prouinces des nations susdites. d'enuoyer des draps, fustains, couuertes, laynes, filets, sucres pour faire syrops, & autres provisions, pour l'usage & necessité des pauures, & des malades dudit hospital S. Iean de Hierusalem, ainsi lesdites langues & dignitez furent instituees de ce temps-là, & partagees entre toutes les nations.

Ce n'est pas à dire que les François fussent tousiours les superieurs en toutes choses sur les autres nations, ainsi qu'allegue l'Auteur dudit abbregé. Mais toutes lesdictes nations faisoient vn corps bien composé sous vn Chef electif de toutes les nations indifféremment, & vne harmonie bien ordonnée, en forme d'une petite Republique, & vn chacun auoit ce qui luy appartenoit, & en estoit content.

A ce que de Moncal allegue, *que cēt Ordre ne faisoit la guerre que par occasion, & non par vœu exprés*, il en parle sans le sçauoir, car l'on respond, & est vray de dire, que ledit Ordre n'a jamais fait par le passé d'autres vœux que ceux qu'il fait à present qui sont les trois vœux substantiels, (Pauvreté, Chasteté, & Obediēce.)

Bien est certain que ces deux exercices de l'hospitalité, & de la milice, *sunt tanquam appendices, ou accessiōes en l'Ordre*, de mesme que les trois vœux substantiels. Cecy se verifie par la forme de faire la profession que ledit Ordre a tenu dès son institution iusques à present en ces mots. *N. Cupiens Deo beataque Virgini Mariae, sancto Ioanni Baptista patrono nostro, sub virtutum regulari habitu in obsequium pauperum, & tuitione fidei, perpetuo inferuire, peracto sacrificio Missae post suorum peccatorum confessionem, ac sacram corporis Christi communionem obtulit personam suam Deo, Deique genitrici Mariae, ac sancto Ioanni Baptista patrono nostro, veniens ac sancte promittens Obediētiā, Castitatem, & propriam abdicationem, iuxta regulā nostrā, &c.*

Et la mesme Rcgle dudit Raymond Dupuy au 2. Statut d'icelle fait mention, qu'apres que ledit Dupuy del aduis de son Conseil, eut ordonné, & mis en bon ordre les choses appartenātes à la sainte hospitalité en:

la ville de Hierusalem, il y adiousta encores la Milice en l'an 1110. par ces mots, *Titulo de regula Stat. 2.*

Nostre Ordre des sa premiere fondation, par la liberalité, ayde, & sauveur du saint Siege Apostolique, des Roys, & des Princes Catholiques, & des deuots Chrestiens, a esté doué, amplifié, & enrichy de domaines, possessions, iurisdiccions, graces, priuileges, & exemptions, à celle fin que les Cheualiers qui ont fait profession en iceluy attentifs à la vraye charité, seul solide fondement des Vertus, & à la sainte hospitalité, appliquassent, adioustassent, & vnissent encore (comme nouueaux sucrois de deuotion, & tesmoignages de generosité) l'obligation de la Milice, & par ce double office & exercice s'adonnassent entiere-ment aux actions vertueuses. Certainement c'est le particulier, & le propre des soldats de Iesus Christ, de se fortifier des saintes œures de charité & hospitalité, & combattre pour le nom de Iesus-Christ, pour le culte diuin, & pour la foy Catholique, aymez, proteger, & conseruer la Iustice, sauoiriser, ayder, & defendre les oppressez, & à ceste fin les Cheualiers exercent l'Hospitalité, & la Milice de Iesus-Christ tout ensemble, avec vne deuote consideration, portant sur leurs vestemens entierelement la Croix à 8. pointes, pour tesmoignage que dans leurs ames ils portent encores mieux que sur leurs habits ce signe viuifiant, & marque de nostre salut, enrichy & orné de vertus, & de toutes choses saintes, ils portent avec le glaive à la main, pour assaillir & forcer, exterminer & perdre entiere-ment l'Empire Mahometain ennemy de la Croix, & de la foy (*& gladij ancipites in manibus eorum, ad faciendam vindictam in nationibus, increpationes in populis, ad alligandos Reges eorum in compedibus, & nobiles eorum in manicis ferreis, &c. Pl. 149.* Semblables à ces genereux Capitaines, Gardes, establis pour la chaste couche de l'Espouse des Cantiques, omnes tenentes gladios, & ad bella doctissimi, &c. Cant. 3. & les braues guerriers de l'Eglise & nobles Cheualiers de la Chrestienté estans ainsi armez, & combattans en ce bel equipage) sont encores admonestez, inuitez, & enflammez à suivre l'exemple salutaire des saints Martyrs, & soldats Machabees accoustumez de combattre pour le culte diuin, lesquels, bien qu'ils fussent en petit nombre, neantmoins fauorisez de l'assistance diuine, souuentes fois ont renuersé, preslé, vaincu, & soulé les armées innombrables des infidelles & profanes. Que nos Religieux Cheualiers se ressouviennent doncques d'auoir continuellement en leur memoire empreint le zele du seruice diuin, d'observer & parfaictement accomplir les vœux substantiels de leur tres-sainte Regle, d'Obedience, Chasteté, & Pauvreté, s'adonner aux Vertus Morales, & Theologiques, avec lesquelles enflammez de charité, ils ne puissent craindre l'espee ennemie, & s'exposer avec Prudence, Temperance, & Force, à tous dangers & perils quelzconques, pour le saint nom de Iesus-Christ, pour le salutaire signe de la Croix, pour la Iustice, pour les pupilles, & pour les veufues. Veritablement personne ne peut auoir plus grande charité, que d'exposer son ame, c'est à dire sa vie, pour ses amis, qui sont les seuls Catholiques, & est leur propre office, leur vœu ion leur election, leur iustification. C'est finale-

ment leur sanctification, afin qu'ayans paracheué leur pellerinage en ceste vie, esleuez d'une esperance ferme, ils iouyssent de la recompense éternelle en la future, pour laquelle Dieu a créé le genre humain. Au contraire, celuy qui sera conuaincu d'auoir contre le deuoir de sa charge delaisé, abandonné, & suy les saintes actions, & les occasions de la guerre, qui se fait pour le saint nom Chrestien, à la terreur des meschans, & à la louange des bons, ne peut fuyr le chastiment merité, ny la peine seuer de decernée par les Statuts & Coustumes de nostre Ordre. Mais ie fors de ceste longue digression pour retourner à mes preuues.

Le Pape Innocent 2. en l'an mil cent trente confirma l'Ordre de Cheualerie, avec l'hospitalité aux Cheualiers de Saint Iean de Hierusalem, ordonna la forme de l'estendard de guerre, & alors ledict Ordre fust diuisé

*In Clericos & Laicos, vt Clerici rebus diuinis, sacrificijs & orationibus intenderent: Laici verò sanctæ hospitalitati, Fidei Militiam & perpetuum bellum adiungerent & copularent, duplici fungentes officio.*

Il y a bien plus, c'est que pendant le regne des Roys de Hierusalem du viuant des quatre ou cinq Baudoins, de Foulques premier, de Guy de Lusignan, il ne fut faicte aucune faction ny entreprise en la Palestine contre les Infideles, & Sarrazins, que ledict Raymond Dupuy & ses succeffeurs grands Maistres, ne s'y trouuassent en personne, avec leurs trouppes ioinctes à celles des Templiers, & ne laisserent pourtant, de tousiours continuer leur sainte hospitalité inseparablement vnice avec leur Milice, & par ce moyen, *Hospitalitatem & militiam sostantes dicti sunt Hospitalary milites*, acquirent le nom de Cheualiers Hospitaliers, tant qu'ils demeurèrent en Syrie.

Et pour faire paroistre à vn chacun leur generosité en leur naissance, & combien ils ont esté vtils à la Chrestienté, pendant leur prenier sejour en Syrie: Les Histoires dudit Ordre rapportent que les Cheualiers Hospitaliers se trouuerent à la prise de Césarée Palestine dicte Belline, de Bersabée anciénement appelée Gibeline, laquelle leur fust apres donnée en garde par les Roys de Hierusalem, en l'an 1133.

Se treuuerent depuis en l'armée du Roy Foulques premier, pour le secours du Royaume de Damas, contre Sanguin occupateur dudit Royaume.

En l'an mil cent quarante six, lors que Conrad Empereur des Romains, & Louys septiesme Roy de France, avec leurs armées arriuerent en Hierusalem du temps de Baudouyn troisieme, & qu'ils allerent assieger la Cité de Damas, lesdicts Hospitaliers & Templiers, accompagnerent les susdites deux armées, & pour quelques discordes nées entre lesdicts Roys, l'Empereur s'en retourna en Allemagne, & le Roy Louys en France.

Ausiege d'Ascalon, l'an mil cent cinquante trois, l'auarice des Templiers fust cause qu'elle ne fust pas prise, pour ce qu'ils entrèrent les premiers d'un costé, & fermerent les portes pour auoir seuls le pillage, & se trouuerent les plus foibles. Les Ascalonites en firent pendre soixante sur les murailles de leur Ville, iuste punition de leur insatiable auar-

rice, mais les Hospitaliers exempts de ce malheureux vice, & ne respirans que l'honneur de Dieu, la liberté, & auancement des Chrestiens, furent cause de la continuation dudit siege, auxquels le Roy Baudouyn commit toute la charge d'iceluy, & par leurs forces & industrie, les Ascalonites furent contraincts de rendre leur Ville entre les mains desdits Hospitaliers, & en la puissance des Chrestiens Leuantins, le douzième d'Aoust mil cent cinquante quatre, le dixième du regne de Baudouyn, troisième Roy de Hierusalem.

Ayans donc esté lesdits Hospitaliers la principale cause de la prinse de ladicte Ville d'Ascalon. Le Pape Anastase quatrième, en signe de reconnaissance de telles genereuses actions, & pour recompenser la vertu, & la constance desdits Hospitaliers, leur donna de tres-beaux priuileges, par ses bulles du 21. Octobre, & premier Nouembre mil cent cinquante quatre.

Bien plus les Hospitaliers accompagnerent en Egypte Emery Roy de Hierusalem, prindrent la cité de Balbeis, le troisième iour de Nouembre, mil cent soixante huit. (Frere Gilbert d'Asfaly V. grand Maistre dudit Ordre estoit present en cette armée.) Se trouuerent pareillement au siege de Damiette en l'année mil cent soixante neuf.

Que ne firent lesdits Hospitaliers, pour resister aux terribles desseins qu'auoit Saladin de chasser les Chrestiens de la Syrie, pour la defence des cités de Gaze, d'Arche en Arabie, Monreal, le Chasteau de Iacob, & autres lieux faits par Saladin, és années mil cent septante deux, & septante trois.

Les Hospitaliers se trouuerent en armes dans les troupes de Baudouyn quatrième Roy de Hierusalem: lors que sur le Iourdain il donna la bataille a Saladin, & le vainquit. Par lequel on peut voir que les combattans, & celle du Roy estoit en petit nombre: de laquelle perte ce renemy desesperé, alla assieger Baruth, par mer & par terre, & depuis par la valeur & resistance des Chrestiens, abandonna le siege en l'an mil cent octante & vn.

Six ans apres Saladin alla assieger la ville de Ptolomaide, avec mil cinq cens cheuaux, & cent soixante mille combattans. Guy de Lusignan Roy de Hierusalem, assisté des troupes desdits Hospitaliers & Templiers luy donna la bataille sous les murailles de Ptolomaide, en laquelle lesdits Hospitaliers & Templiers mirent à mort quinze mil Turcs ou Sarrazins, & en rapporterent vne glorieuse victoire. (Bien est vray que Frere Rogier de Moulins, huitième Grand Maistre desdits Hospitaliers, y demeura mort sur la place en combatant. Ce fust en l'an mil cent octante sept, mort glorieuse pour ce braue Prince: & encores plus pour tout l'Ordre, dont il auoit l'honneur d'estre le Grand Maistre.

Bien tost apres en la mesme année Saladin eut sa reuanche de la bataille qu'il auoit perduë. Car par la trahison du Comte de Tripoly, qui se renga de son costé, les Chrestiens perdirent la bataille: En laquelle Guy de Lusignan fut fait prisonnier. Le bois de la sainte Croix pris par les Infideles, & la plus part desdits Hospitaliers Templiers demurerent sur la place. Les prisonniers furent martyrisés & decapitez en la presence de Saladin,

Saladin, faisant paroistre par telle cruauté l'ardeur qu'il auoit d'esteindre ces deux religions Militantes, les forces, le courage, & la valeur desquelles il auoit tant de fois esprouues, & aux bras desquels consistoient les forces des Chrestiens en Syrie.

Finalemēt presque toutes les villes maritimes, de Ptolemaïde, Baruth, Biblion, Ascalon, Tripoly, Antioche, & autres vindrent au pouuoir de Saladin, & en l'espace de trois mois il se rendit maistre de 25. principales Citez.

La perte de tant de nobles, & genereux Cheualiers, fut la principale cause du progrez de ses victoires, & de l'aduancement par tout l'Orient de ses affaires; l'obstacle, & resistance que luy souloient faire ces braves Hospitaliers, estant ostee, il eust beau dilater les bornes de son Empire.

Puis il assiegea la sainte Cité de Hierusalem, & trente iours apres les assiegez se rendirent le 2. Octobre 1187. en la 2. année du Pontificat du Pape Urbain III. du temps de l'Empereur Frederic I. dit Barberousse, & de Philippe Auguste Roy de France.

Estant doncques tous les Latins sortis de Hierusalem, les Hospitaliers de leur argent racheterent enuiron mil Chrestiens, & les Templiers à leur exemple en firent de mesme.

Guy de Lusignan Roy de Hierusalem, sorti d'esclavage, & des mains de Saladin, fut aussi tost fuiuy par les Hospitaliers, lors retirez en leur forteresse de Margat en Phœnicie, & par les Templiers aussi, qui tous s'offrirent d'aller assieger la ville de Ptolemaïde, ce qu'ils firent, & avec leurs troupes soustindrent les premiers efforts de l'armée de Saladin, la victoire ne demeura, ny aux vns, ny aux autres, le siege fut pourtant continué deuant Ptolemaïde l'espace de trois années entieres.

Puis fut reprise par Philippe Auguste Roy de France, & Richard I. Roy d'Angleterre, le 12. Iuillet 1191. les Chrestiens la garderent depuis cent ans entiers, par le moyen des religions Militantes des Hospitaliers, & des Templiers, à la parfin en l'an 1291. le 18. May, elle fut derechef assiegee par cent cinquante mil Sarrazins, prinse, bruslee, & ruinee iusques à ses fondemens.

Pendant lequel temps lesdits Hospitaliers ne manquerēt de continuer vn siecle entier leur double exercice de l'Hospitalité & de la Milice en assiduelles courses par toute la Syrie, & de se maintenir dans ladite Cité de Ptolemaïde qu'ils appellerent du nom de S. Iean d'Acre, auparauant desnommee *Acconensis Ciuitas*.

Et lors que S. Louis arriva en Syrie à la conqueste de la terre Sainte l'an 1248. lesdits Hospitaliers & Templiers l'accompagnerent en toutes ses entreprinſes au siege & prinſe de Damiette, au grand Caire d'Egypte, & autres lieux, les grands Maistres des Hospitaliers & Templiers furent faits esclaves avec la Maïesté en l'année 1250.

Les premiers presterent à sa Maïesté certaine somme de deniers pour partie du payement de son rachat, qui fut vne action grandement loüable. Mais les Templiers refuserent d'en faire de mesme, dequoy le Roy indigné commanda de rompre les coffres qu'ils auoient dans la ville de



Damiette, & fit prendre par force trente mil escus qui luy manquoient pour payer sondit rachapt.

En fin par tous les discours de tant de genereuses actions faictes par les Cheualiers Hospitaliers, se remarque qu'ils ne faisoient pas la guerre par occasion, ains à bon escient, & qu'ils n'ont iamais traité de paix avec les Sultans, & Princes Mahometains, & n'ont esté inutiles à la Republique Chrestienne, ains ont tousiours esté l'vnique esperance de la terre Sainte, conioints avec les Templiers, & furent en si grand credit & reputation, non seulement en la Syrie, mais encores en toute la Chrestienté, que les Princes d'Orient souhaitoient grandement d'estre leurs amis, & viure sous leur faueur & protection, & à cét effect interposioient souuent l'autorité & faueur des Papes enuers lesdicts Hospitaliers, pour entrer avec eux en quelque alliance.

De faict, le Roy de Cypre enuoya ses Ambassadeurs vers le Pape Honorius III. le supplier d'escrire aux Hospitaliers à Ptolemaide, d'auoir en leur protection sa personne, & son Royaume de Cypre, ce que le Pape fit par son bresescrit à Frere Guerin de Montegu quatorzième grand Maistres dudit Ordre, donné à Sainct Iean de Latran le 15. iour de Feurier 1226.

Avec cela lesdicts Hospitaliers pendant leur demeure à Ptolemaide estoient gouuerneurs du chasteau d'Antioche, au nom du saint Siege Apostolique.

Toutes les affaires d'importance en la terre Sainte dépendoient de ces deux Religions Militantes des Hospitaliers, & des Templiers.

Iusques là qu'Isabelle Royne de Cypre, fille de Henry Comte de Champagne, pretendant le Royaume de Hierusalem luy appartenir, pria les Hospitaliers & Templiers de la mettre en possession de cét Estat, & prendre sa protection, & sa defense.

Le Pape Gregoire IX. escriuit vn brescansdicts Hospitaliers, & à Frere Bertrand Tey XV. grand Maistre desdicts Hospitaliers, donné à Peruse le 28. Iuillet 1236. par lequel il commandoit aux Hospitaliers de secourir & assister en toutes affaires Frederic II. Empereur des Romains, qui estoit pour lors en Syrie: En suite dequoy ils appaiserent toutes les rumeurs, reuoltes, & souleuemens faicts en Syrie contre ledict Empereur, tant l'autorité & la puissance de ces deux grandes compagnies estoient en vogue.

En l'an 1209. au mois d'Aoust, les Turcs estans entrez dans le Royaume d'Armenie par surprinse, les Hospitaliers allerent incontinent au secours dudit Royaume, avec leurs troupes, firent de grands combats avec les Turcs, & les contraignirent de sortir à force d'armes hors dudit Royaume.

Pour lequel seruice, le Roy tesmoigna estre si fort obligé ausdicts Hospitaliers, qu'il escriuit vne lettre au Pape Innocent III. le suppliant en toute humilité de remercier lesdicts Hospitaliers, de leurs genereuses actions, & des signalez seruices qu'ils auoient faicts à sa personne, & à son Royaume, ce que le Pape fit, le Roy leur donna en recompense la Cité de Salef, avec deux belles forteresses en son Royaume d'Armenie, l'v-

ne appellee Castelnò, & l'autre Camarde, les deux lettres, tant du Pape, que du Roy d'Armenie, avec sa donation, ensemble le bref du Pape Innocent III. du 5. iour d'Aoust 1217. sont enoncees & inserees au long dans l'histoire de la Religion, premiere Partie de Bosio, liu. 8. fucillet 155. de la premiere impression, faite à Rome en l'an 1594.

Le Pape Honorius III. escriuit vn autre bref à Frere Guerin de Montegu quatorziesme grand Maistre desdits Hospitaliers, & à son Conuent estant à Ptolemaide, du 25. Iuillet 1217. luy recommandant Raymond Ruppin Prince d'Antioche, de le prendre sous leur protection & sauuegarde, & de le defendre contre tous ceux qui le voudroient offencer, & luy declarer la guerre.

Le Roy d'Hongrie allant en ce mesme temps au secours de la terre Sainte, le mesme Pape Honorius III. donna pour instruction au Roy, & à son Ambassadeur lors qu'il seroit en Syrie, de se gouuerner par le conseil des Hospitaliers, & Templiers.

Et par mesme moyen ledit Pape escriuit audit grand Maistre desdits Hospitaliers, Frere Guerin de Montegu d'aller au deuant du Roy d'Hongrie, du Duc d'Austriche, & autres Princes, pour les conduire & informer de ce qui estoit necessaire à faire pour le recouurement de la terre Sainte, joignant ses armes & ses forces avec celles de ces grâds Princes.

Et par ce moyen la Religion desdits Hospitaliers acquit tant de gloire & de credit par ses valeureuses actions, que les grands Princes tenoient à faueur de prendre & porter la Croix, & l'habit de ceste sacree Religion Militante, & la rendoient aucunement esgale à leurs Sceptres & Couronnes.

Cela fut practiqué par Raymond Beringuier Comte de Barcelonne, Prince de Cathalogne, lequel conquist sur les Maures les Isles de Maiorque & Minorque qu'ils auoient occupees: Et en l'an 1131. il prit, & porta l'habit dudit Ordre, tant qu'il vesquit, & voulut mourir dans sa maison à Barcelonne, qu'il auoit donnee audit Ordre Saint Iean de Hierusalem, tant il estoit, & faisoit estat de la vertu, & sainte profession de ce bellicueux, & tres genereux Ordre.

Avec pareil honneur, respect & deuotion, le Roy d'Hongrie estant en Syrie logea dans le Palais des Hospitaliers à Ptolemaide, & voulut estre receu au nombre des Confreres dudit Ordre, & porta la Croix & l'habit d'iceluy le reste de ses iours, pour tesmoignage assure de l'affection qu'il portoit à ceste tant honorable, & si heureuse compagnie.

Quant à la fidelité & pieté desdits Hospitaliers, elle fut tellement connue des Roys de Hierusalem, qu'ils leur donnerent les clefs de leurs thresors, & la garde de leur Couronne Royale, ce qu'ils n'eussent fait à autres personnes, ny à aucun Prince de tout le monde.

## R H O D E S.

**L**A seconde seance & retraicte principale (apres la Syrie & Cypre) a esté l'Isle de Rhodes, en laquelle l'Ordre desdits Hospitaliers (pour

lors desinommez Rhodiens, ou Cheualiers de Rhodes) a demeuré l'espace de 213. anneés entières, nonobstant la violence, & les efforts de trois ou quatre sieges d'armees Imperiales, des Mahometains leurs voisins & ennemis, sçauoir dès le 15. d'Aoust 1309. qu'elle fut prinse par lesdits Hospitaliers, & possedee iusques en l'annee 1522. iour de Noël qu'ils en furent chassez, au grand regret de tous les peuples fideles.

C'est icy le deuxiesme suiet où Moncal vomit son venin, & dilate ses fausses impostures, qu'il intitule du mot d'obiections, pour lesquelles renuerter il ne faut pas prendre beaucoup de peine, car elles se destruisent d'elles-mesmes, disant *Que la premiere action que firent les Cheualiers de l'Ordre, apres auoir conquis par armes l'Isle de Rhodes, & s'en estre rendus les Princes & Souuerains, fut de pratiquer la paix avec les Princes Mahometains, leurs voisins, qu'il nomme Amurat, Baiazet, Selin, & Solymán, & ce pour establir le commerce libre à leurs subjects, & pour nettoyer la mer de tous corsaires & escumeurs, lesquels ils faisoient mourir, fussent-ils Turcs, Mores, ou Chrestiens, avec plus de rigueur que ne font auionrd'huys les Venitiens, & que lesdits Cheualiers de Rhodes rechercherent tres-ardemment ceste paix avec les grands Seigneurs de Turquie, & pour l'obsenir luy payoient tribut, & luy faisoient de grandes reconnaissances, & autres imaginations & resueries enoncees daus l'abbrege desdits memoires.*

Or toutes les susdites obiections, foibles fondemens d'une mauuaise cause, & marques plustost d'une ame passionnee, que tesmoignages valables d'une verité, se reduisent à deux chefs principaux, l'un touchant la paix, les tributs, & autres intelligences au premier establisement de l'Ordre à Rhodes, avec les grands Seigneurs Ottomans. Et l'autre, concernant la saisie des biens des Templiers par les Roys d'Espagne en la page 29. tout le reste ne sont que chimeres & fables, forges dans un esprit brouillon, & une imagination troublee, qui n'est besoin de contredire.

Pour respondre donc à tout ce qui regarde le premier chef, ie dis que tout ce qui est cy dessus allegué, est faux & supposé, sans preuue, sans auteur authentique, & du tout hors de raison. Car si les Cheualiers Rhodiens auoient traité de paix avec quelqu'un des Emperours Ottomans cy-dessus nommez, ils eussent violé l'essence de leurs vœux, & telle paix contrarieroit directement à l'institution dudit Ordre, qui a pour l'un de ses deux principaux objets, ou puiots *perpetuum, atrox & irreconciliable bellum*, de faire une guerre perpetuelle contre les Mahometains, & c'est ce que disoit autresfois l'Orateur Romain Ciceron sollicité de faire la paix avec son ennemy Antonius, *pacem cum Antonio esse nolo, quia turpis est, quia esse non potest, &c.* Ce peut mieux rapporter à ce noble & genereux Ordre, pour le regard de leur ennemy immortelle grand Seigneur des Ottomans, ce sacré Ordre ne veut point, & n'a iamais voulu auoir de paix avec luy, parce qu'elle est honteuse, & parce qu'elle ne peut estre sans teneurset entierement ses vœux, ses statuts, & les regles.

Et si cela eust eu lieu durant leur seiour à Rhodes, cet Ordre eut esté grandement inutile à la Chrestienté durant 213. anneés, & eut esté plus

blasmable, & digne d'estre aboly, & supprimé que les **Templiers**, lesquels, tant pour auoir abandonné le Leuant l'espace de dixsept ou dixhui<sup>t</sup> années, dès la dernière prinse de Ptolemaide, qui fut en l'an 1291. auquel temps tous les Chrestiens Latins furent chassés de la Syrie iusques en l'an 1308. en Octobre, qu'ils furent tous pris en France, que pour auoir quitté leurs exercices Militaires pour la deffence de la foy, à quoy ils auoient esté instituez, & pour s'estre adonnez à l'oïsuete, & au vice, furent iugez dignes de mort, & d'estre supprimez, & esteints en general & à perpetuité par tous les Royaumes Chrestiens, perdant avec tant de beaux biens, & l'honneur, & la vie.

Il y a bien plus, que si le grand Maistre dudit Ordre eut esté si hardy, & si presomptueux de traicter paix avec le Turc, sans l'autorité expresse du Pape, le Conuent y eut fait de la resistance, se fut porté tout au contraire, l'eut aussi tost depose de sa dignité Magistrale, & en eust eleu vn autre, ce qui est remarqué par tous les anciens Autheurs qui ont escrit sur ces affaires.

*Quod Conuentus Hospitalis Hierosolymitani, ex causa potest deponere Magistrum suum, maxime si confederet cum inimicis Christianorum, aut si athenicam de numine persuasionem cum Turcis, aut Saracenis induxerit, Albertus Mireus l. 2. Choppin. Monast. l. 2. Elenco 25.*

Dauantage, pour conuaincre de manifeste fausseté tous les memoires dudit abregé, ne faut que remarquer, que pendant les deux siecles, & plus, que ledit Ordre a demeuré à Rhodes, ont regné en Turquie vnze Empereurs Turcs, sçauoir, Ottoman I. Orcanes fils d'Ottoman, Selin I. Amurat I. tous deux fils d'Orcanes, Baiazet I. pris par Tamberlan, Mahomet I. fils de Baiazet, Amurat II. fils de Mahomet I. Mahomet II. qui prit Constantinople fils d'Amurat II. Baiazet II. fils dudit Mahomet I. Selin I. & Soliman II.

Contre lesquels l'Ordre S. Iean de Hierusalem a eu vne perpetuelle guerre, & souffert trois ou quatre sieges d'armées Imperiales, en diuers temps, outre les continuelles courtes, & combats qui se faisoient iournellement entr'eux, tant par mer que par terre.

Que s'ils eussent fait paix, ou payé tribut aux grands Seigneurs de Turquie, tels sieges & combats ne fussent arriuez, ainsi que cet Autheur allegue mal à propos, & avec ses memoires supposez.

Le premier siege deuant Rhodes fut de la puissante armée d'Ottoman premier, l'année d'apres la prinse d'icelle, par lesdits Cheualiers l'an 1310. Et par l'assistance d'Amedee Duc de Sauoye ladicte armée fut contrainte de se retirer à sa honte & confusion, du temps de Frere Foulques de Villaret vingt cinquieme grand Maistre, celuy qui prenant Rhodes en l'an 1309. laissa à la posterité vn tesmoignage eternel de sa valeur, & de son courage.

Le second siege fut de l'armée d'Abucfat, Sultan d'Egypte, & Gouverneur du Royaume de Hierusalé, qui s'estoit proposé de dilater, & estendre ses limites par la prinse des Isles de Rhodes, & de Cypre: il assiegea Rhodes au mois d'Aoust l'an 1444. & y continua le siege l'espace de cinq ans, fut en fin contraint de le leuer, avec grande honte & perte des siens, &

se retirer au grand Caire, du temps de Frere Jean de Lastic trente-cinquiesme grand Maistre dudit Ordre, & ceste victoire donna grande reputation audit Ordre parmy les Chrestiens, & plus grande espouuante aux Turcs & autres nations barbares & infideles.

Le troisieme siege fut posé deuant Rhodes par Mahomet II. fils d'Amurat II. (dont l'Autheur des memoires fait mention) le 23. May 1480. lequel s'estant emparé de l'Empire des Grecs, & de la ville de Constantinople le 23. May 1458. vingt sept ans apres assiegea l'Isle de Rhodes, avec vne armee de cent mil combattans. Mais par la valeur de Frere Pierre d'Aubusson trente-neufiesme grand Maistre dudit Ordre, & generosité de ses Cheualiers ledit Empereur fut contraint de se retirer à Constantinople, avec la mesme honte & infamie que les precedens Empereurs, ennemis immortels de ce grand Ordre.

Le quatrieme siege fut mis par Soliman II. Empereur des Turcs, fils de Selin I. le 16. Iuin 1522. (cestuy cy est encores allegué par l'Autheur dans ses memoires) avec vne armee de trois cens mille combattans, lequel apres la perte de cent mil Turcs, qui moururent audit siege, par composition, se rendit Maistre de l'Isle & Cité de Rhodes, le iour de Noël de la mesme annee 1522. grand malheur pour toute la Chrestienté, mais plus grande honte pour les Princes Chrestiens, l'ayant abandonnee sans luy donner aucun secours, du temps de Frere Philippe de Villiers l'Isle-Adam quarante-cinquiesme grand Maistre dudit Ordre, lequel acquit autant d'honneur en la perdant, que Frere Foulques de Villaret en la conquerant.

Outre les quatre sieges des armees Imperiales susdictes de Rhodes, la guerre n'a iamais esté discontinuee entre ladicte Religion, & les Ottomans Empereurs des Turcs, pendant le Magistaire de dix-huit ou dix-neuf grands Maistres dudit Ordre, les preuues en sont claires, & toutes les hystoires ne sont pleines d'autres choses.

Car apres le premier siege Imperial de Rhodes par Ottoman I. l'an 1310. Orcanes I. fils d'Ottoman l'an 1320. entreprit d'assieger l'Isle de Rhodes, & comme il faisoit le voyage, l'armee de la Religion le fut rencontrer proche l'Isle de Chio, le combattit, & le desfit: en laquelle bataille furent tuez dix mille Turcs, du viuant dudit grand Maistre de Villaret, ce ne sont pas effects d'une paix accordee.

En l'an 1347. la Religion de Rhodes donna secours au Roy d'Armenie contre le Soudan d'Egypte. du temps du grand Maistre de Goufon, troisieme grand Maistre de Rhodes, ceste continuation de guerre desment assez l'Autheur de ceste paix pretendue.

En l'annee 1365. le Roy de Cypre, & les Cheualiers de Rhodes prirent par force la ville d'Alexandrie d'Egypte, la saccagerent, brulerent. & l'abandonnerent l'annee ensuiuant, les mesmes prindrent la ville de Tripoly de Syrie du temps de Raymond Beringuier sixiesme grand Maistre de Rhodes, la succession des temps a tousiours entretenu continuation des troubles, des combats, des rencontres, & des guerres.

Et de faict, en l'an 1381. arriuerent à Rhodes George Archeuesque de Smirne, & Nicolas de Mantoué Conestable de ladicte ville de Smirne,

remonstrerent au grand Maistre, & à la Religion les grands dangers & perils eminens où leur dite ville se trouuoit exposée, à cause du voisinage, & grandes forces des Turcs, demanderent ayde, secours, & assistance à la Religion contre les enfans de Baiazet I. qui gouernoient l'Empire pendant la captiuité de leur pere, detenu sous le grand Tamberlan, du temps de Heredia huiſiesme grand Maistre de Rhodes.

L'an 1397. Sigismond Roy de Hongrie pria Philebert de Naillac neuſiesme grand Maistre de Rhodes, de venir à son secours avec sa milice, contre les enfans dudit Baiazet, ce qu'il fit, la bataille fut donnée à Nicopolis, & gaignee par les Turcs, d'où le Roy de Hongrie, & le grand Maistre se sauuerent, & se retirerent à Rhodes.

En l'annee 1444. fut fait le deuxiesme siege general de Rhodes, comme il a esté dict cy. dessus, &c.

L'an 1457. Mahomet II. fils d'Amurat II. assiegea l'Isle de Lango, & le chasteau de l'Isle des Singes, appartenans ausdicts Cheualiers de Rhodes, lesquels resisterent courageusement audit Empereur, & le forcerent de leuer le siege, du temps de Frere Jacques de Milis douziesme grand Maistre de Rhodes.

En l'an 1470. Mahomet II. prit par force la ville de Negrepoint en la Morce, y exerça de grandes cruautés & tyrannies, & partant de là donna la guerre aux Rhodiens, du temps de Baptiste des Ursins quatorziesme grand Maistre de Rhodes.

En l'an 1480. fut le troisieme siege general de Rhodes cy-dessus specifié, du temps de Pierre d'Aubusson quinzieme grand Maistre de Rhodes.

En l'an 1510. les Rhodiens gaignerent vne signalee victoire contre le Soudan d'Egypte, du temps d'Emery d'Amboise seiziesme grand Maistre de Rhodes.

L'an 1522. fut le dernier siege de Rhodes, par Sultan Soliman cy-dessus mentionné, du temps de l'Isle Adam dix-neufiesme grand Maistre de Rhodes.

Il appert doncques par cette longue suite d'annees, & perpetuel remuement d'armes offensives & defensives, pendant tout le sejour & demeure des Cheualiers à Rhodes, qu'il n'y a iamais eu de paix entr'eux, & les Empereurs Ottomans: mais bien tout le contraire, qu'ils ont tousiours vescu en guerre, & dans les combats, & les batailles l'espace de deux cens treize anneés, & plus.

Car outre ce que dessus, n'y ayant qu'un petit canal à passer entre l'Isle de Rhodes, & la Natolie, ou Caramanie les courses des Turcs estoient continuelles & iournalieres dans ladicte Isle de Rhodes, & les combats perpetuels, en sorte qu'ils venoient aux mains à tous moments, & à toutes heures.

Pour cela les citations des Cheualiers qui se trouuoient aux Prouinces estoient frequentes, ordinaires, & annuelles, & estoient contrains de laisser leurs Commanderies seules & desertées, ou les recommander aux vieillards sexagenaires, & aux estropiez incapables de porter les armes, & de combattre. Nos histoires particulieres, & les communes estrangeres sont

entiere foy de tout cela, & ne font mention que de telles rencontres, soit de pertes & dommages, soit de triomphes, & de victoires.

C'est donc bien loin d'auoir payé tribut au Turc, d'auoir eu intelligence avec luy, d'auoir favorisé sa tyrannie, d'auoir rendu esclau, & assubjettý l'Ordre sous sa captiuité, & d'auoir iuré vne paix inuiolable avec les persecuteurs de la Chrestienté, & les ennemis irreconciliables de la Religion, & de l'Eglise l'espace de tant d'annees, au détriment des loix, des vœux, & des statuts d'un si saint Ordre.

Moins est il veritable que leurs ports ayent seruy de haulte & d'esclle au trafic du Levant de toutes les nations (bien aux Chrestiens) mais non iamais aux Turcs, ny aux mores, cela n'a onques esté, & se dit sans preuue, & sans exemple, aussi bien que toutes les autres inepties, folies, & impostures subséquentes.

Et mesmement que les Rhodiens ne declaroient iamais la guerre au Turc, que lors qu'il y auoit vne ligue generale de tous les Princes Chrestiens, & ce qui s'ensuit, c'est vne erreur trop palpable, & non moins esloignée de la verité, que de dire que cét Ordre ayt payé tribut au grand Seigneur: Ce que de moncal ne scauroit verifien, ny par exemples, ny par histoires, & c'est d'où vient la hayne, & l'indignation des Princes mahometains contre ceste pauvre Religion militante, laquelle ils n'ont iamais peu assubjettir sous leurs loix, ny la rendre tributaire.

Au contraire, l'on verifie clairement, & sans contredit, que les Cheualiers Rhodiens ont emporté de grands aduantages sur ces tyrans Ottomans, & ont rendu tributaire, à eux, & à leur Ordre à Rhodes le grand Turc Baiazet II. fils de mahomet II. pour la somme de quarante mil ducats d'or chacune annee l'espace de douze ou treize annees, du temps du tres-illustre grand maistre d'Aubusson en l'an 1482. à l'occasion de son frere Zizime refugie à Rhodes, acte genereux, & digne de louanges eternelles.

Bien est vray que l'histoire dudit Ordre rapporte qu'apres le deceds dudit mahomet II. ses deux enfans Baiazet & Zizime ne le pouuans accorder au partage de l'Empire, se firent la guerre l'un l'autre. Zizime fut à la parfin contraint de se retirer, sous la protection dudit grand maistre d'Aubusson, & de sa Religion, il arriua à Rhodes le 24. Iuliet 1482 & y fut receu comme Roy, & par ce moyen l'Empereur Baiazet son frere rechercha, & fit la paix avec la Religion, & se rendit comme tributaire à l'Ordre, par vne pension annuelle de trente mil ducats, causée du pretexte de la nourriture & entretien de sondict frere Zizime, & dix mil ducats pour le plat dudit grand maistre, auquel Baiazet fit de grands presents, entr'autres luy enuoya la main droicte de saint Iean Baptiste le 20. d'Auil 1483. trouuee dans le tresor de mahomet, & apportee d'Antioche à Constantinople.

Mais il est aussi tres-veritable qu'auparauant que la Religion peust accepter ceste paix, salut qu'elle enuoyast Ambassadeurs à Rome demander la permission au Pape Sixte IV. Car sans la particuliere permission du Pape, la Religion n'eust onques peu accepter ceste paix (bien qu'elle fut

fit tres-advantageuse pour toute la Chrestienté) & le Pape ne l'eut iamais permise, que pour l'esperance d'un plus grand bien, comme l'on esperoit dudit Zizime, qui depuis se fit Chrestien : De là à quelques années il demanda de faire un voyage en France, pour traiter avec le Roy Charles VIII. puis à Rome avec la Sainteté. Mais en ce temps-là les affaires des Chrestiens se trouuerent en tel desordre, qu'on ne peut entreprendre rien de grand pour la Chrestienté, suivant les loüables desseins dudit Zizime, lequel à la fin durant son voyage, mourut à Capoue l'an 1494. Nous auons en main les propres copies des lettres du grand Turc Baiazet, escrites au Seigneur Illustrissime grand Maistre d'Aubusson, traduites de langage Turc en Latin, touchant la paix par luy recherchee, l'offre & payement de la susdicte somme par forme de tribut.

Le Pape Innocent VIII. par sa Bulle du 28. Mars 1489. le tesmoigne fort amplement, & fait mention de l'honneur, & de la gloire due à ces braues Cheualiers de Rhodes, d'auoir forcé ce grâd Empereur des Turcs à rechercher vne paix ignominieuse pour luy, & glorieuse pour lesdicts Cheualiers, & pour la foy Catholique, & del auoir rendu tributaire à eux par ces mots extraicts du dispositif de ladicte Bulle.

*Et demum Turcarum eorundem, Mahumete tyranno vita functo, duobus illius filijs inuicem de successione in patris tyrannide, vi & armis contententibus, Magister, & fratres praedicti, eorum prudentia, alterum ex eis Sultanum Zizimi nuncupatum, fraterno cedente gladio praesidioque destitutum, amini, ab imminenti discrimine, & instanti vitae periculo, seruauit in suam Religionis potestatem. Et alterum Sultanum Baiazet, rerum imperijque potitum fraternae assiruationis, & incolumitatis terrore perculsum, ad fœdus, & ignominiosum, ipsi vero Ordini, & fidei Catholica gloriosum, percutiendum, & pensionem tributariam, numerorum aurorum quadraginta milium exoluentorum, donec in eorum potestate quietum degeret compulerunt. Ipsorum suasu eo ipso germani pauore intercedente tyrannus ipse quosdam captiuos diuersi generis, ab seruitutis iugo liberauit, classesque duas continuas astatibus in Chresticolis, & Latinis, ab eo magna impensa instructas, atque paratas, eum iam ipsas educere destinaret, intra Helesfontis fauces impensarum sarcinis explosis, & Magistro, & eius commilitonibus in quos propensior videretur, morem gerere continuis, qua profecto illustra facinora praeconio, per magna que commendatione, & condigno prosequenda pramio existunt.*

Quant est des objections reduites au second chef, & celle particuliere ment deduite en la page 29. qui porte. que les biens des Templiers furent saisis par les Roys d'Espagne, qui ne les ont iamais voulu restituer audit Ordre, comme firent les autres Princes Chrestiens. Cela est pareillement faux, & supposé contre toute verité, & aduancer tels discours, conuaincus de mensonge par la lecture des histoires, c'est estre, ou malin extrêmement, ou ignorant en toutes sortes.

Car par la susdicte Bulle du sacré Concile general de Vienne en Dauphiné, du temps du Pape Clement V. du 2. May 1311. il est dict que tous les biens, possessions, droits, & priuileges desdits Templiers, furent octroyez, & vniz à l'Ordre desdits Hospitaliers Saint Jean de Hierusalem.



Eodem sacro approbante Concilio, ipsam domum militia Templi ceterasque domos, Ecclesias, capellas, oratoria, ciuitates, castra, villas, terras, grangias, & loca, possessiones, iurisdictiones, redditus, atque iura, omniaque alia bona, immobilia, & mobilia vel semouentia, cum omnibus membris, iuribus, & pertinentijs suis, ultra & citra mare, ac in vniuersu, & quibuscumque mundi partibus consistentijs, quae ipse Ordo, & dicti Magister, & fratres ipsius Ordinis militia Templi, in regno Francia communiter capti fuerunt, videlicet anno Domini 1308. mense Octobri per se vel quoscumque alios, habebant, tenebant & possidebant. Vel ad eisdem domum & Ordinem militia Templi, & dictos Magistrum & fratres ipsius Ordinis militia Templi, quomodolibet pertinebant, nec non nomina actiones & iura, quae praedicto tempore captiui ipsorum, eisdem domui, Ordini, vel personis ipsius Ordinis militia Templi, quocumque modo competebant, vel competere poterant, contra quoscumque cuiuscumque dignitatis, status vel conditionis existerent, cum omnibus privilegijs, indulgentijs, immunitatibus, & libertatibus, quibus praefati Magister, & fratres dictorum domus & Ordinis militia Templi, & ipsa domus & Ordo, per sedem Apostolicam, vel per Catholicos Imperatores, Reges, & Principes, & fideles alios, vel quocumque alio modo erant legitime communiti eidem Ordini hospitalis sancti Iohannis Hierosolymitani, & ipsi Hospitali, donamus, concedimus, vnumus, incorporamus, applicamus, & annectimus in perpetuum de Apostolica plenitudine potestatis.

Voila doncques comme tous les biens desdicts Templiers furent vnis & incorporéz à l'Ordre desdicts Hospitaliers par decret inuiolable dudit sacré Concile general de Vienne.

Il est bien vray que sur la fin de ladicte Bulle il y a la clause de reserue.

*Exceptis bonis quandam dicti Ordinis militia Templi consensibus in regnu & terris charissimorum in Christo filiorum nostrorum, Castellae, Arragoniae, Portugaliae, & Maioritarum Regum illustrium, extra regnum Francia excipienda duximus.*

D'autant que tels Roys les demandoient; non pour les vnir à leur Couronne, mais pour estre employez à chasser les Mores, qui auoient de ce temps là occupé vne grande partie des Royaumes susdicts d'Espagne, & particulièrement tout le Royaume de Granade, & autres.

Et nonobstant telle exception, le sacré Concile general reserua la pleine disposition de tels biens au Pape seul.

*Ea nihilominus dispositioni, & ordinationi sedis Apostolicae reseruantes.*

Et en effect, le successeur Pape dudit Clement V. nommé Iean XXII. par censures & excommunicatiōs, qu'il enuoya intimer exprés plusieurs fois aux propres personnes des susdicts Roys, par des Chanoines de Sainct Pierre de Rome, & autres Ecclesiastiques, en fit restituer la plus grande partie.

Ainsi qu'il appert par les Bulles, & commissiōs dudit Pape Iean vingt-deux, donnees à Auignon le quatorzième Mars 1318. commençant *Ioannes Episcopus seruus seruorum Dei ad perpetuam rei memoriam. Inter ceteras vniuersas, &c.* & sur la fin apres le dispositif de ladicte Bulle est escrit. ce qui s'ensuit.

*Occupatores quoque dictorum bonorum aut illicitis detemptores ipsorum in Castella, Legionis, & alijs regnis, & terris prædictis consistentium, cuiuscumque status, conditionis, excellentia, vel dignitatis extiterint, etiam si Pontificati, vel regali præfulgeant dignitate, nisi intra unius mensis spacium, postquam super hoc, per dictos Magistrum, & Fratres ipsius Hospitalis, vel ipsorum quemi libet aut præceptores, seu procuratores eorum fuerint requisiti dicta bona dimiserint, illaque plene & libere restituerint Ordini ipsius Hospitalis, aut Magistro seu præceptoribus, vel prioribus, aut fratribus Hospitalis eiusdem, in Castella & Legionis, ac in alijs regnis, & terris prædictis constitutis. Necnon omnes qui scienter occupatoribus & detemptoribus prælibatis, in occupatione vel detentione habent, dederint auxilium, consilium, vel fauorem, publicè, vel occultè, &c. postquam super hoc ut præmittitur, fuerint requisiti ipso facto excommunicationis & interdicti sententijs decernimus subiacere, à quibus absoluti non possint, donec super ijs plenam & debitam satisfactionem curauerint exhibere, &c.*

Et de fait, Alfonse Roy de Castille sur ces apprehensions, par son testament (ne voulant mourir excommunié) ordonna à ses heritiers de restituer promptement les biens desdicts Templiers, audié l'Ordre Saint Iean de Hierusalem, appert de cecy dans les histoires dudit Ordre, & par ledict testament.

Et pour plus grande preuve, nostre Religion iouyt entierement de tous ses biens dans les susdicts Royaumes d'Espagne, de Castille, Arragon, Cathaloigne, Leon, Nauarre, Portugal, & autres, aussi paisiblement, qu'elle fait dans le Royaume de France, & ses priuileges y sont tres-bien, & ponctuellement observez, & l'on peut dire mieux, d'autant que les Cheualiers y sont capables de successions, ceste question estant problematique en France, & autres semblables matieres, exemptions, franchises, & honneurs, dont les Cheualiers dudit Ordre és Royaumes d'Espagne iouissent, en sorte qu'en leurs priuileges ils n'y peuuent souhaïter rien dauantage.

Quant aux autres folies mises en auant, & estalees par cét esprit remuant, & inconstant en soy-mesme, concernant l'Isle de Rhodes, elles ne meritent d'estre contredictes, n'estans que des songes, resueries, chimeres, & pures calomnies, forgees en vn cœur malicieux, & publiques par vne plume ignorante, mais tout à fait pernicieuse.

Il y a bien plus d'apparence de s'arrester, & bien considerer quel honneur & gloire est deuë à ceste sacree Milice, confirmee par le tesmoignage des supremes & plus releuees puissances de la Chrestienté, qui ont recognu sa sainte Institution, sa vertu, & son merite, mais qui ont tous, & tousiours admiré le zele, & le courage de tels vertueux Gedeonites, & l'utilité qu'ils ont apporté en tout temps à la Republique Chrestienne, durant leurs trois principales retraictes susdictes en Syrie, Rhodes, & Malthe.

Le Pape Pie IV. le tesmoigne par sa Bulle du 1. Iuillet 1560. que lesdicts Hospitaliers n'ont iamais oraint d'employer leur sang pour le salut des Chrestiens, contre les ennemis de la foy, & de l'Eglise.

Qu'ils n'ont oncques refusé de se joindre avec les armées Chrestien-

nes, pour combattre toutesfois & quantes qu'ils y ont esté appelez, leur fonction a tousiours esté de soutenir le premier choc en tous les combats, & d'estre placez à l'auantgarde: & de plus, lors que les Chrestiens assiegerent la ville d'Afrique en Barbarie, ils furent les premiers qui eschellerent les murailles de la dicte ville, & la Bulle le dict en ces paroles.

*Nos igitur cupientes vt Religio Hospitalis huiusmodi, cuius Fratres nullis parcendo periculis, contra Pyratas, Turcas, & alios Christi nominis hostes dimicare, ac pro salute Christiana, honestam mortem oppetere non cessant, & quaque verum classis Christianorum in infideles dirigitur, vocati se illi adunant, primosque congressus fortiter sustinent, sicuti nouissime in expugnatione terra Africa, priscam virtutem ostendentes, omnium primi illius muros conscenderunt, salubriter dirigantur, & ampliatur, &c.*

L'Empereur Charles V. le tesmoigne de mesme, & faict paroistre en quel estime il a tenu les Cheualiers Hospitaliers, & combien il les aimoit par plusieurs beaux priuileges qu'il leur a octroyez, donnez à Anuers le 24. May 1540. (encores que Moncal s'efforce de faire croire à vn chacun par ses memoires, que ç'a esté le plus grand ennemy del'Ordre, & le plus grand vsurpateur des ses biens, que la Religion ayt oncques eu, soit pour certains ridicules hommages qu'il a forcez, & le serment de fidelité qu'il dict que ledict Ordre luy a faict, soit au don de l'Isle de Malthe, qu'il dict auoir esté contre le gré du Pape, & du Roy, qui sont toutes impolitures, ainsi qu'il se dira cy-apres.) Voicy doncques les paroles dudit Empereur.

*Prædictus Ordo eiusque equites auro iam pluribus annis, & ultra hominum memoriam contra fidei nostre persecutores Turcam, in assidua defensione fuerunt contraque illis pro defensione nostra Christiana fidei eorum sanguinem strenue effuderunt, & multa egregia facinora perpetrarunt: ob id à nobis, prædecessoribus Romanis Imperatoribus, Regibusque in nostram & sacri Imperij singularem protectionem acceptos esse.*

Autre tesmoignage d'un autre Roy, mais tout saint & glorieux, maintenant au Ciel couronné d'une couronne d'immortalité, c'est le bien heureux saint Louis, qui a veu oculairement les œuvres charitables, & la generosité desdicts Cheualiers Hospitaliers, leur propre Hospital de Ptolemy de en Syrie, & la pieté, & charité qu'on y exerçoit, fait vn recit des signalez seruices qu'il a receu d'eux, & a voulu qu'ils fussent cognus à la posterité par les beaux priuileges qu'il leur a octroyé, donnez à Saint Germain en Laye, en Mars 1267. ausquels priuileges il n'y a mot qui ne tesmoigne vne amour cordiale de ce saint Roy enuers ledit Ordre, qu'il luy donnoit tout ce que la puissance Royale pouuoit donner, par ces mots tirez desdicts priuileges.

*Cuius rei fidem certissimam in Hierosolymitanis partibus constituti priorum oculorum testimonium, & experientia fecere. Nam præter quotidiana que ceteris indigentibus, & supra fidem, & super ipsum domus sacculat, Magister & Fratres ipsius domus Hospitalis de Hierusalem exhibere subsidia, nobis quisque, & ultra mare, & citra tam deuotè quam magnifice subuenerunt, vt & ipsa magnitudo subuentionis, & obligata sibi*

conscientia nostra iudicium, tanta nos beneficia dissimulare sub ingratitude ne non permittant.

Quocirca pjs eorum operibus volentes pariter in opere pietatis respondere pro salute animæ Regis Patris nostri, & Matris nostre, nec non antecessorum nostrorum dedimus, concessimus, Deo & beata Maria semper Virgini, & beato Ioanni Baptista & supr. adictæ domui sancti Hospitalis Hierosolymitani, ac Magistro & Fratribus & hominibus suis, in omnibus tenementis suis, & in elemosynis quæ eis data & facta sunt, & erunt, & in quibuscumque acquirere poterunt dedimus, & in puram, & perpetuam elemosynam concessimus, omne ius, omne dominium, quod ad nos pertinet, & pertinuit omnem potestatem, omnes libertates, & liberas consuetudines, quas Regia potestas conferre potest.

Après tant de fortes & puissantes preuves fondees sur les propres faits & bien-faits des plus grands Monarques de l'Vniuers, comment osera paroistre icy cet ennemy d'un si saint Ordre, pour démentir toute l'antiquité par les nouuelles impostures, & contredire le tesmoignage de tant de Roys qui ont mérité de porter vne double Couronne en la terre, & au Ciel, & de tant d'Empereurs, & de Papes qui n'ont cessé de benir le iour de la sainte institution de ceste sacrée Milice, qui ont fait paroistre par leurs escrits, à toute la posterité, les merites, & les seruices signalez de ses genereux Chualiers, pour le maintien de la foy en l'Orient, plus de trois cens ans, par l'effusion de leur sang, en faueur des Chrestiens, & aux despens de leur propre vie, & qui ont suiet de crier vers le Ciel en façon de Martyrs, ce qui est au 9. de l'Apocalypse.

*Vindica Domine sanguinem nostrum qui pro te effusus est, habitus enim eorum rubens est, insignitus cruce alba, rubens est ergo vestimentum ipsorum quia mixtum sanguine, Isai. 9. sicut calcatum intorculari.*

S'il se fut trouué par le passé parmy les Romains quelques citoyens qui eussent deffendu leurs concitoyens des ennemis, ou qui eussent courageusement combattu pour la patrie, ou pour la Republique, l'on leur eut ordonné mille sortes de Couronnes, de Trophees, & d'Images, pour honorer leur nom, & immortaliser leur memoire, & ainsi en parlent les vieilles Annales, & les Histoires.

*Si quis ciues olim suos deffendissent ab hostibus, si qui pro patria ac Republica fortiter ac strenuè dimicassent, his tot Corona, & ciuica, & murales, & nauales, & castrenses, tot trophea, tot imagines, & monumenta eiusmodi exquirebantur quibus eorum nomen, & memoria cohonestaretur.*

*Quam gloriosa magni, & magnifica stipendia vos manent (ò equites) qui non unum ciuem, sed tot Christianos, non Rempublicam vnâ in terris fundatam, sed tot tales Respublicas, thesauros Ecclesiæ, cælestes gazas, Religionem, sacramenta, & fidem custoditis, & ab ore, ac faucibus impiorum Turcarum conseruatis, &c..*

## M A L T H E.

L'Isle de Malthe en Afrique, est la troisieme & derniere retraiete principale des Cheualiers Rhodiens qui changerent de nom, & furent desnommez Cheualiers de Malthe en l'an 1530.

Et c'est le lieu où Moncal a receu la sentence, & le decret de sa degradation perpetuelle. C'est aussi contre ceste pauvre Isle (vray boulevard de la Chrestienté) où il desploye tout le reste de sa mauuaise marchandise, vomissant contre elle toutes les calomnies qu'il s'est peu imaginer, *Multa quidem dicit, sed nihil probat.* Il met en auant cinq principales propositions, ou impostures qui se dissipent d'elles-mesmes.

La premiere, Que l'Isle de Malthe, & le don fait d'icelle à la Religion saint Iean de Hierusalem a esté contre la volonté du Pape, & des François, pour lequel on rend certain serment d'hommage à l'Empereur, & aux Roys d'Espagne, portant promesse de garder les Estats du dernier enuers & contre tous, sans excepter mesme le saint Siege. (cét article est suiuy de plusieurs autres articles, contre l'honneur & dignité du saint Siege Apostolique, & de la nation Françoisse.)

L'on respond que l'Isle de Malthe, & du Goze furent demandees par vne requeste à l'Empereur Charles le Quint, par le grand Maistre dudit Ordre, frere Philippe de Villiers l'Isle Adam, au nom de la Religion, en l'an 1529. sept ans apres la perte de Rhodes, laquelle demande luy fut accordée, moyennant trois seules conditions acceptees par ledict grand Maistre, & son Conseil, qui ne desroient aucunement, ny à l'honneur de l'Ordre, ny aux droits des autres Princes, ou Monarques.

La premiere fut, Que ledict Ordre acceptoit Tripoly de Barbarie, Malthe, & le Goze, & les recognoissoit tenir de l'Empereur, & de ses successeurs au Royaume de Sicile, en fief noble, libre, & franc, & en toute iurisdiction, mere, mixte, impere, vsage de gleue sur les personnes de l'un & de l'autre sexe, au deuoir d'un Faucon, avec pacte de prendre nouuelle inuestiture à chacune mutation des nouveaux Roys de Sicile, & avec promesse de ne receuoir les bannis de Sicile en l'Isle de Malthe, & de n'y retenir les criminels de leze Majesté.

N'estant pas fait mention de garder les Estats, & Royaumes du Roy d'Espagne, autres que Malthe, le Goze, & Tripoly en Barbarie, donnez à perpetuité à ladicte Religion de saint Iean de Hierusalem.

La deuxiesme condition fut que ledict Empereur se referuait le patronnage & nomination de l'Euesché de Malthe, & à ses successeurs Roys de Sicile, & que vacation aduenant d'iceluy, la Religion pourroit presenter trois personnes dudit Ordre, l'un desquels seroit vassal du Roy d'Espagne, & que l'Euesque esleu porteroit la grande Croix dudit Ordre.

La troisieme condition, Que l'Admiral des Galleres dudit Ordre ne pourroit estre que de la langue d'Italie. Voila les conditions du don fait de Malthe par ledict Empereur Charles V. du 24. Mars 1530. toutes

lesquelles trois conditions furent confirmées, & autorisées par le Pape Clement VII. volontairement, & non par force.

Le mesme deuoir d'vne douzaine de Faulcons a depuis esté fait, & continué aux Roys de France toutes les années, pour marque de la reconnaissance que la Religion doit à l'vne & à l'autre Couronne, à quoy elle n'a iamais manqué dès sa prinse de possession, & retraicte en ceste Isle.

Et par ainsi l'Auteur de l'abregé des Memoires allegue faussement l'Histoire dudit Ordre, d'autant qu'elle dit tout le contraire, ainsi qu'un chacun le peut voir facilement dans ladicte Histoire Hierosolymitaine de Bosio en sa troisiésme Partielieu. 5. de l'impression de Rome, page 80. 81. & 82. ladicte donation y est enoncée tout au long, & l'acceptation faite par ledit Ordre aux trois susdictes conditions, & non autres: Ensemble le libre consentement dudit Pape Clement VII. Et ne se trouuera pas dans toutel'Histoire que les François y aient iamais résisté, ou en ayant fait seulement quelques plaintes.

Au contraire, le grand Maistre de ce temps-là estoit François, & ce qui est à remarquer, il eut l'honneur d'aller visiter tous les Princes Souuerains de la Chrestienté, pour se condouloir avec eux de la perte de Rhodes, & prendre leurs aduis, en quel lieu la Religion pourroit planter son estendard, & faire sa retraicte: & ne peut-on trouuer lieu plus conuenable pour leur exercice militaire, & plus proche de l'ennemy que l'Isle de Malthe. (Bien qu'on eut projeté auparauant, de prendre la Cité de Modon en la Moree, & y transporter le Conuent) ou bien reprendre derechef l'Isle de Rhodes.

En fin fut prise resolution, pour ne laisser le certain pour l'incertain, de différer l'entreprise, & le dessein de Modon, & conclure la donation de Malthe, la Religion ne pouuant faire mieux pour lors sur l'incertitude où elle estoit, de n'auoir aucune retraicte assurée, ny place conuenable pour continuer les actes de Milice.

*En la seconde imposture, il assaie que les forteresses, & citadelles de Malthe, s. Herme, l'Isle de saint Michel, & le bourg, & dicit que les Espagnols les ont fait faire, contre les François (& ce qui s'ensuit.)*

*Quelques Espagnols disent publiquement auoir basti ces forts, pour empescher les mauuais desseins, que les François ont avec les Turcs, les accusant d'impiété, & de perfidie.*

*Que les François ont esté souuentefois en danger d'estre massacrez par les Espagnols sous de legers soupçons, & que toutes les autres nations, & les habitants mesme de Malthe se bandent contre les François, lors qu'il y interuint, quelque dispute, qu'il n'y a point d'assurance pour eux, (avec les autres articles sui-uans.) Et que c'est vne pure mesquerie de dire que Malthe soit le boulenard de la Chrestienté, d'autant que ceste Isle est la plus inutile pour sa situation, & stérilisée, qu'autre qui soit en la mer Mediterranee.*

L'on respond, que telle imposture se refute par les mesmes Histoires, où se void que les Espagnols ne se sont iamais meslez de la fabrique d'aucune des susdictes forteresses de Malthe, ny d'autres. D'autant que la Re-

ligion conuait, & nomma trois Commissaires expiés, pour faire bastir les trois forteresses susdictes: l'un Italien, appelé Leon Destrosse, grand Prieur de Capouë, qui fut depuis General des Galleres de la Religion, vn des premiers hommes de ce siecle: le second fut vn Allemand, nommé le grand Baillif Bombast d'Allemagne: & le troisieme François de la langue & nation d'Auuergne, nommé le Commandeur de Lastie, lesquels n'abandonnerent leurs charges de iour, ny de nuict, iusques à ce que leursdictes trois forteresses fussent en estat d'estre defenduës, & en ceste entrepryse n'est faite aucune mention d'Espagnols.

Ils commencerent donc par le fort de Saint Hermie, & la premiere pierre fondamentale dudit fort fut mise le 14.iour de Ianuier 1551. & les autres en suite.

Et soudain qu'elles furent acheuees, les trois susdicts Commissaires furent faicts les premiers Gouuerneurs desdictes forteresses, sçauoir, Leon Destrosse de Saint Hermie, le grand Baillif d'Allemagne du bourg, & le Commandeur de Lastie de ladicte Ile de Saint Michel, appert de cela dans la mesme histoire de Bosio en la troisieme Partie. l. 16. page 323. & 324.

Quelque temps apres le grand Maistre suinant, Frere Claude de la Sangle François y mit la derniere main, & acheua de fortifier ladite Ile de Saint Michel, & voulut qu'elle fust desormais de son nom, l'Ile de la Sangle, ainsi qu'il appert par son Epitaphe, *Arceum nouum quam Sangleam condens dixit*, au fucillet 390. du mesme liure.

Quant à la grande Cité de Valette, qui est à present la demeure de tout le Couuent dudit Ordre, ce ne sont pas les Espagnols qui l'ont faite bastir, c'a esté le tres illustre, & genereux grand Maistre Frere Iean de Valette Parisien François, & d'origine de nation, qui l'a faicte edifier, & l'a appelée de son nom (la Cité Valette) l'an 1566. apres le siege leué de Malthe, de l'armee de Sultan Soliman, celuy qui prit Rhodes. en toutes lesdictes Histoires il ne se trouuera pas que les Espagnols ayent faict vn seul bastion, ny aucune forteresse.

Moins qu'ils soient les Maistres absolus d'aucunes d'icelles places par dessus les François sinon qu'entant qu'il plaist à son A. Serenissime, de les y nommer, comme il les peut choisir indifferemment de toutes les nations, quand il luy plaist, & comme bon luy semble.

C'est pareillement faux & calomnieux de dire, *que les Espagnols sont les Maistres de l'isle de Malthe. & que les François ont esté souventes fois en danger d'estre massacrez par les Espagnols, & que toutes les autres nations, & les habitans mesmes de Malthe se bandent contre les François, & leur en veulent.*

Car au contraire, le nombre des Espagnols à Malthe, est le moindre (apres celuy d'Allemagne) les Espagnols n'ont que deux langues, Arragon, & Castille. les François en ont trois, Provence, Auuergne, & France, le plus grand nombre est celuy de la nation Italienne (bien qu'il n'y a qu'une langue, mais pour vn Espagnol, il y a trois François.

Outre que ceste nation n'est iamais venue aux mains avec les François,

çois, tout y est vny en paix entr'eux, sous mesme resolution de combattre les Infideles, ennemis de la foy, & non les Chrestiens, leurs armes, & courages ne se bandent que pour ruiner les persecuteurs de la Religion, & non pas pour charger leurs propres freres.

Et pour le regard des habitans de Malthe, tant s'en faut qu'ils se disent Espagnols, qu'ils sont en tout pour la nation François, & ne desirent rien tant, sinon que les grands Maistres soient tousiours François, hayssent irreconciliablement les Espagnols, pour les auoir chassés de leurs Royaumes, d'Aragon, de Castille, Nauarre, & Portugal, & decreté contr'eux, que nul de cette nation Maltoise (quoy que par le Chapitre general l'Ordre les y eut receus) ne pourra iamais auoir bien, ny honneur dudit Ordre, Commanderies, membres, ny pensions, dans l'estenduë desdicts Royaumes, non pas mesme la permission d'y habiter, ayant déclaré leurs receptions faictes par ladicte Religion, nulles & abusives, par decret inuiolable, (bien qu'ils fussent originaires Espagnols.)

Ce que dessus se venist par Lettres & Declarations du Roy d'Espagne, donnees à Madrid le dernier iour de Novembre 1599. contre Iean Paulo Calority Maltois, Grec de nation, lequel ayant esté receu de grace audit Ordre, par le Chapitre general d'iceluy, & par bref du Pape, dans le Royaume, & grand Prieuré de Portugal, les Seindies & Deputez dudit Royaume s'y opposerent, quand il voulut faire immatriculer sa reception en Portugal, & firent leurs plaintes à sa Majesté, laquelle escriuit, & enuoya sa Declaration aux Commandeurs de la langue de Castille, Leon, & Portugal à Malthe, qu'ils ne receussent ledict Calority, d'autant que sa reception estoit contre les priuileges dudit Royaume de Portugal, qui descendent aux estrangers de ne tenir Commanderies, ny pensions dans ledict Royaume.

Les Seindies, & Deputez de Nauarre, firent faire les mesmes Declarations par le Conseil Royal de Pampelune, contre la personne de Frere George Ioan Pery Maltez, Prieur de l'Eglise de Malthe, & Commandeur de Ville-franche, & Viurum, situees dans ledict grand Prieuré de Nauarre, & fut la sentence donnee en la ville de Pampelune contre lesdicts estrangers, & ledict Ioan Pery du 27. Septembre 1595. Et par autres Sentences & Declarations dudit Conseil d'Estat à Pampelune, des 1. & 2. Aoust 1601. lesdites Commanderies furent ostées audit Prieur de l'Eglise Maltois, ordonné que les fruiets d'icelles seroient saisis, sequestrez, & mis en la main du Roy, iusques à ce que le grand Maistre de la Religion de Saint Iean eut pourueu, & conféré lesdictes Commanderies aux Cheualiers de ladicte Religion naturels dudit Royaume de Nauarre, conformément aux loix d'iceluy, & Royales Ordonnances.

Mais pour monstrier que les Maltois ne se banderent iamais contre les François, pour fauoriser les Espagnols, leurs ennemis declarez, chacun sçait que pour tesmoigner l'affection qu'ils portoient naturellement aux François, & ne dissimuler point la hayne, & auersion qu'ils auoient contre les Espagnols, embrassans tout à fait le party de la France, ils ont recherché passionnément toutes occasions de se faire recevoir de grace dans les trois langues Françoises, & y tiennent à present biens,



Commanderies, membres, pensions, comme s'ils estoient regnicoles, & naturels François, sans auoir esté inquietez de personne iuiques à present, ny troublez aucunement en la iouissance de leurs pensions, & Commanderies.

Touchant l'Estat del'Isle de Malthe, & sçauoir si elle merite de porter le nom, & la qualité de boulevard de la Chrestienté, il est à noter, que lors que la Religion en prit possession en l'an 1530. suiuant la relation qu'en firent les Commissaires qu'elle y auoit enuoyez en l'an 1524. pour recognoistre ladicte Isle, fut fait rapport qu'en ce temps-là ce n'estoit pas grand chose, qu'elle estoit fort sterile, & peu forte, qu'elle n'auoit de circuit que 60. milles d'Italie (se pouuoit pourtant bien fortifier) neantmoins que les hayres, & les ports que la nature luy auoit donnez, sans artifice humain, estoient fort spacieux, & capables de contenir vne grande armee, la situation fort commode, proche de l'ennemy infidele, & propre à faire la guerre.

Du depuis l'Ordre y a fait trois villes assez grandes, & vne infinité de forteresses, & de tours par toute ladicte Isle: en sorte qu'elle est à present l'vne des plus fortes Isles qui soient en la mer Mediterranee, pour ce qu'elle contient. Le Royaume de Sicile, *Horrenum Italia, & Romanorum*, luy doit fournir de bleds, vins, & toutes autres sortes de viures, & munitions de guerre: Tellement qu'on peut dire, avec raison, & verité, qu'elle est à present le vray boulevard de la Chrestienté (quoy que die le calomniateur au contraire) on peut dire veritablement d'elle ce qui se dit de la tour admirable de Dauid dans les Cantiques, *Mille clypei pendunt ex ea, & omnis armatura fortium, &c. Cant. 3.* Car de ce rampart inexpugnable des peuples Chrestiens, pendent, non pas mille, mais vne infinité de rondaches, & boucliers, qui sont armes deffensives, pour deffendre la foy & l'honneur d'un telus Chrestien, là se prend, & se trouue tout l'armement, & equipage de tant de braues, & vaillans Cheualiers, pour terrasser les ennemis, & deffendre, & conseruer les nations fideles, c'est pourquoy iustement on doit dire, & faut aduoüer, que c'est la citadelle de l'Vniuers, le corps de garde des Chrestiens, & le vray rampart de tous les Royaumes de l'Occident qui professent l'Euangile.

Par la troisieme imposture, nostre Auteur continuant ses furies, & passions, se prend à la personne, & dignité Magistrale de ceste sacree Religion Militante, qui est le grand Maistre, disant, qu'il n'a aucune autorité, qu'il n'est que comme vn President, & le ranaile s'abais, & en fait si peu d'estat, comme si c'estoit vne qualité des plus viles & abjectes du monde d'estre grand Maistre de ceste Milice, n'ayant qu'une voix au Conseil, & à toutes assemblees, & en parle par sa mauuaise langue, avec tel mespris, qu'il fait paroistre auoir prodigieusement honteusement par sa mesdisance la part qu'il pouuoit esperer en ceste tres-illustre dignité, que ses progeniteurs luy auoient acquise, en sorte qu'il est maintenant indigne seulement d'en parler. Il est vray qu'il faut pardonner à sa passion & ne trouuer pas estrange, si vn criminel degradé, & condamné honteusement, comme luy, parle mal de son Iuge, se bande contre son President, & le poursuit avec iniures.

Les anciens Auteurs exaltent, & parlent de ceste dignité avec autant d'honneur, que ce mesdisant, & detracteur, la veut rualer & en discourt avec mespris, & disent que le grand Maistre dudit Ordre tient le premier rang de tous les Princes d'ellection près du Pape, & de l'Empereur, & est à croie probablement que ce grand Maistre Chef dudit Ordre, apres le Pape, doit preceder tous Patriarches, Cardinaux, & autres Prelats Ecclesiastiques, mesmes tous Princes, qui n'ont point droict d'Empire.

C'est l'opinion de Loliuot en son traicté qu'il a fait sur ceste matiere, se conformant à l'aduis de Barthelemy Cassaneus Jurisconsulte, lequel traictant del honneur, qu'aux actions publiques des Princes l'on doit donner, & defferer au grand Maistre de la Religion de Saint Jean de Hierusalem, en la 9 Partie & 4. conclusion de son Catalogue de la gloire du monde, dict ces paroles:

*Credetrem quod iste Magnus Magister Rhodi, post Papam precedere deberet, omnes Patriarchas, Cardinales, & alios Pontifices Ecclesiasticos, & cum videatur esse tanta dignitatis, cuius est Patriarcha, quod fess Imperatorem, & alios Principes habentes iura Imperij (Ut sunt Reges Francia, & Hispania) quod praecederet omnes Principes recognoscentes superiorem, & non habentes iura Imperij, puta Reges subditos Imperio, & quoscumque Duces, habet enim sub se Magnos Principes, & est maxime honoratus.*

Cela est aussi confirmé par le rang, lieu & place donnee au feu grand Maistre l'Isle Adam, apres la perte de Rhodes, lors qu'il alla à Rome trouver le Pape Adrian VI. en l'an 1523. pour luy faire la relation des particularitez aduenues au siege & prinse de Rhodes, la Sainteté l'attendant dans la grande salle, avec tout le sacré College des Cardinaux, apres qu'il luy eut baillé en toute humilité les pieds à genoux, elle le fit lever, l'embrassa, & pleura de regret pour ceste grande perte, que toute la Chrestienté auoit faicte, & en le saluant l'appella (*Magnus Christi athleta & fidei Catholica acerrimus propugnator*) le fit asseoir en ceste assemblée, & de là quelques iours apres, le Pape mourut le 14. Septembre de la susdicte annee 1523.

Depuis en procedant à la nouuelle ellection d'un autre Pape, tous les Cardinaux, d'une commune voix, esleurent ledict grand Maistre l'Isle Adam, comme le plus grand Prelat de la Chrestienté, afin d'estre gardien du Conclau, pour la seureté de leurs personnes, pendant la vacance du saint Siege, & eut luy seul le gouuernement de la porte dudit Conclau, & commandement par dessus toute la Milice Romaine, avec ses Caualliers, vestus de leurs casques de guerre, de rouge, avec la grande Croix blanche, deuant, & derriere.

Ceste ellection s'estant terminee en la personne du Cardinal Iules de Medicis, Cheualier de Rhodes, grand Prieur de Cappoue, nommé Clement VII. dans l'Eglise de Saint Pierre, avec grande ceremonie, la veille, & iour de Noël, ledict grand Maistre l'Isle Adam eut rang, & place au premier degre du Troine, aux pieds du Pape, assis sur un siege, apres le premier Diacre, au lieu que les Ambassadeurs des Roys de France, &

d'Espagne sont tousiours debout appuyez contre la muraille.

Et en effect, ce rang luy appartenoit de droict, comme grand Maistre de ceste si grande Religion Militante, & comme protecteur, & deffenseur de la foy Chrestienne.

Outre que pour autre raison, il l'eut peu encors pretendre comme Prince, premier Baron, & gardien de la Royale Couronne des Roys de Hierusalem, Despote de la Moree, Prince de l'Achaye, de Corinthe, de Sparte, & Seigneur absolu de Rhodes, y ayant succedé en mesme qualité que la tenoit Ottoman premier.

Le Pape commanda qu'apres sa Sainteté les Diaeres, Soudiaeres, & assistans à la Meise Papale, que luy seul eut l'encens, & le baiser de paix, par preference au Gouverneur de Rome, & de tous les Prelats, & Ambassadeurs, tant Ecclesiastiques, que seculiers.

Et pour eternelle memoire de ce rang donné audict Seigneur grand Maistre, l'attestation en fut escrete, & enregistree par le President, & Maistre des ceremonies, ensemble les honneurs faicts audict grand Maistre. le tout au long enoncé dans les Histoires dudit Ordre par ledict Bosio en sa troisieme Partie, liu. 2. page 24. de l'impression de Rome, de l'annee 1601.

De plus, en recompense des signalez seruices, que la Religion, & ses grands Maistres ont faict à la Chrestienté, ils ont esté honorez par les Papes, & Empereurs des titres de Grand, & d'Altesse.

L'estendard de ladicte Religion Saint Jean de Hierusalem, marque pareillement sa grandeur, lors que les Papes font leur caualcade, allans prendre possession de Saint Jean de Latran, il precede tous les autres estendars, & tient le lieu le plus honorable, proche, & au deuant de la personne du Pape, precede mesme l'estendard du Pape, & celui de l'Eglise vniuerselle, ainsi qu'il est rapporté dans le ceremonial Romain de Christoffe Marcello Archeuesque de Corfon, liure premier, chapitre 3. *de ritibus sanctæ Romanæ Ecclesiæ.*

Bosio dans son Histoire Hierosolymitaine, en sa 2. Partie, liu. 18. faict vne description de la cheuauchee du Pape Leon X. en l'an 1513. arriuee à Saint Jean de Latran, en laquelle l'estendard de la Religion fut porté par Iules de Medicis, son cousin germain, Cheualier de Rhodes, grand Prieur de Capouë (qui depuis fut Pape, & nommé Clement VII. cy dessus mentionné) tout armé, & couuert de sa casaque d'armes rouge, avec les grandes Croix blanches, à la façon que les portent les Cheualiers dudit Ordre, quand ils vont au combat: on menoit apres luy son cheual richement arnaché, accompagné d'une grande multitude d'estahiers superbement vestus, de belle, & riche liuree, & en ladicte caualcade on portoit grand nombre d'autres estendars, comme s'en suit.

Premierement marchaient à cheual douze courriers du Pape, vestus de rouge, qui alloient deux à deux, portans douze estendars.

Après ceux-cy suiuoient treize Capporaux de Rome. montez à cheual, vestus de veloux rouge, qui portoient chacun l'estendard de leur Capitaine.

Puis venoit le grand Gonfalonnier, ou Porte-en-seigne de Rome, mon

ré sur vn cheual richement caparaçonné, & luy superbement vestu, & couuert de toutes sortes de pierres, tenant en main l'estendard du peuple Romain.

Après cestuy-cy marchoit le Procureur general de l'Ordre Militant des Cheualiers Teutoniens à cheual, portant l'estendard de sa Religion, de taffetas blanc, & la Croix noire au milieu.

Et puis suiuiot vn autre grand personnage à cheual, tres-bien vestu, qui portoit l'estendard, avec les armoiries du Pape.

En suite marchoit vn autre semblable au precedent, qui portoit l'estendard de l'Eglise.

Le dernier de tous, au lieu le plus honorable, marchoit le susdit grand Prieur de Capouë, Iules de Medicis, avec l'estendard de la Religion S. Iean de Hierusalem.

Ladicte prééminence se cognoist encores lors que l'estendard, & les Galeres dudit Ordre se trouuent aux armées navales, car il precede tous les autres apres celuy de l'Empereur, & des Roys, ainsi qu'il arriua le 30. May 1555. lors que les Galeres dudit Ordre allerent rencontrer l'armée Imperiale en l'isle de Sardaigne, où l'estendard dudit Ordre, avec la galere Capitane d'iceluy, eut place au costé gauche de la galere de l'Empereur Charles V. & celle du Pape à main droicte de la galere dudit Empereur, bien que l'estendard de la Republique de Genes, & autres y fussent presens.

A l'entreprinse du pignon, l'estendard, & la Capitane dudit Ordre eut rang à la main droicte de la realle d'Espagne, l'armée composée de cinquante galeres, où estoient encores les galeres, & l'estendard du Duc de Sauoye, en l'an 1563.

Et en toutes armées navales où l'estendard, & la Capitane du Pape ne s'y trouue pas, tousiours la main droicte, (apres les estendards des galeres Royales) appartient audit Ordre.

En effect, le 5. de Septembre 1564. le Roy d'Espagne escriuit à Don Garcias de Toledé, & luy enioignit, que quand les galeres de S. Iean de Hierusalem nauigeroient avec celles du Roy d'Espagne, il les maintint en leur possession, & que leur estendard eut tousiours le lieu le plus honorable, sçauoir la main droicte de la Royale.

L'Histoire dudit Ordre est pleine d'actes, & d'attestations de la possession de telle prééminence, octroyée par tous les Generaux des armées navales, où l'estendard dudit Ordre s'y est trouué, comme il se void par la mesme Histoire, Partie 3. liu. 23. pages 475. 76. & 77. Et par ainsi il se void clairement, que l'autorité, & puissance du grand Maistre n'est pas si petite comme cecy ingrat l'a descrié, puis que sa personne prend place, & s'approche de si près des Papes, & des Roys, & ses enseignes & estendards arborez dans les armées, precedent tous les autres.

En la quatriesme imposture, il attaque la qualité de ceste genereuse Noblesse Françoisise disant, *Que toutes les charges que les François ont à Malthe sont de petite importance, qu'ils sont comptables, & ne sont en effect que des petits commis du Roy d'Espagne, qu'en somme les Espagnols ont la domination réelle, & effective en la guerre, aux forteresses, au Conseil, en la Justice, en mer,*

*en terre, aux finances, & mesmes en l'Eglise, & ce qui s'ensuit.*

L'on respond que la verité est toute contraire à cela, car les Cheualiers François n'ont iamais perdu, ny ne scauroient perdre leur franchise, & liberté naturelle, & moins d'endurer, & se soumettre à aucune seruitude de la domination Espagnole.

Les François à Malthe tiennent le premier rang pour les honneurs, charges, dignitez, & commandemens: & comme ils sont les premiers fondateurs dudit Ordre, ayans donné les premiers leurs biens en iceluy, ainsi qu'il est enoncé dans ladiète Bulle du Pape l'aschal II. del'approbation dudit Ordre institué par Gerard susdict, & sur la fin de ladiète Bulle, parlant de la confirmation des biens dudit Ordre, le bourg de S. Gilles en Languedoc, Chef du grand Prieuré de Saint Gilles, de la langue de Prouence ( octroyé audit Ordre par les Comtes de Thoulouse) est le premier enoncé, dans ladiète Bulle, ils ont pareillement tousiours garde la possession de ceste primauté.

Il y a bien plus. car non seulement à Malthe ils sont les premiers en toutes choses, charges, honneurs, dignitez de commandemens (comme il a esté dit cy dessus, mais encores, ils sont les auteurs de tout ce qui a esté fait de plus rare, & de genereux audit Ordre, dès son institution, iusques à maintenant, les siecles passez en ont veu les effets, & les Histoires de nostre temps en racontent les merueilles.

Non qu'on vueille mespriser, ny blasmer les Espagnols, Italiens, & Allemands, qui sont tous nos Confreres, ny desroger à l'honneur, & au merite qui est deu à chacune des langues, & nations. lesquelles ont toutes cooperé à l'exaltation de ceste tres-illustre Religion Militante, qui font vne mesme profession de combattre l'ennemy commun des Chrestiens, & qui portent le mesme habit que les François: & de verité, ils sont tous en leurs personnes, & qualitez, tres-generaux, & braues Caualliers, & tous dignes de grandes louanges.

Mais ceste preference n'est alleguee, que pour defendre la nation Françoisse des impostures de Moncal, qu'elle n'a iamais esté sous la seruitude des Espagnols. Quoy qu'il se trouue quelques particulieres prerogatiues, & remarques à la nation Françoisse, qui ne se trouuent pas aux autres.

Les François sont en possession du tiltre des premieres langues, & dignitez d'honneur, scauoir les langues de Prouence, d'Auvergne, & France.

La dignité de grand Commandeur, qui est Chef, & pilier de la langue de l'rouence, a l'administration du thesor general, de l'arsenac, des greniers, & autres choses, & mesme des offices qui dépendent de l'Eglise.

A la dignité de Marechal, Chef & pilier de la langue d'Anvergne, appartient l'administration de la Iustice en premiere instance, la garde de l'estendard dudit Ordre, & de le porter en toutes armées, & ceremonies. De pouuoir commander en terre apres le grand Maistre, en toutes armées contre les Infideles: d'auoir en garde les clefs de la grande forteresse de la Cité Valette: de pouuoir donner le mot de guerre à tous, & ne

le receuoir d'autre que du grand Maistre, & faire les rondes en la grande, & principale fortresse de ladite Cité, priuatiuement aux autres nations.

A la charge de grand Hospitalier, Chef de la langue de France, touche l'administration, & gouuernement du grand Hospital, des pauvres, des malades, & des blesez, premier fondement dudit Ordre, à laquelle langue est jointe la charge du Tresorier general, & la garde des Sceaux, & Bulles dudit Ordre.

Aux autres nations, apres les François, comme aux Italiens, appartient l'Admirauté de commander en mer sur les galleres.

Aux Espagnols Arragonnois appartient la charge de Conseruatorie, anciennement appelée la Drapperie, qui est la distribution en detail de la despence dudit Ordre à chaque particulier, qui luy est donnée en gros du tresor, par le grand Commandeur chef d'iceluy, & ses assistans des autres nations. Aux Castillans appartient la charge de Chancelier de signer seulement les Bulles d'importance dudit Ordre ( mais non les Sceaux.)

Les Allemans sont grands Bailifs, Chefs, & piliers de la langue d'Allemagne, auxquels appartenoit à Rhodes, la garde, visite & gouuernement du chasteau de Saint Pietre, situé dans les confins, & iurisdiction de la Turquie.

Aux Anglois, autrefois estant en l'Ordre, appartenoit l'office de Turcopellier, maintenant vny à la grande Maistrise, il estoit comme General del'Infanterie, dans les Isles de Rhodes, & de Malthe.

En tous Conseils ordinaires, complis, & d'Etat, apres le grand Maistre, & les deux Ecclesiastiques, sçauoir l'Eueque de Malthe, & le Prieur de l'Eglise, les François precedent les autres.

De cinquante-cinq grands Maistres qu'il y a eu en l'Ordre, les trente trois ont esté François, quatre Italiens, sept Espagnols, & vnze incognus, sans auoir sceu de quelle nation ils estoient, ou pour n'auoir rien laissé de remarquable que leur nom, ou pour auoir peu veu.

De vingt-quatre grands Maistres qui ont esté en Syrie, il n'y a qu'un Espagnol, douze François, & vnze incognus.

Et pendant deux siecles entiers, & plus, que ledict Ordre a demeuré à Rhodes, ont esté creéz dix-huict grands Maistres, treize furent François, trois Espagnols, & deux Italiens.

A Malthe, pendant cent années, ou enuiron, de treize grands Maistres, les huict ont esté François, trois Espagnols, & deux Italiens, & par cemoien les François en Syrie, Rhodes, & à Malthe ont tousiours eu l'aduantage en tous Gouuernemens supremes, en tous Tribunaux, Conseils, & en la Iustice.

Ceux qui prindrent l'Isle de Rhodes, & qui y ont soustenu les quatre sieges, & vn à Malthe, contre les armées Imperiales des Turcs citoient François, sçauoir, Freres Foulques de Villaret, Iean de Lastic, Pierre d'Aubusson, Philippe de Villiers, l'Isle Adam, qui a eu autant d'honneur à la perte de Rhodes, que ledict de Villaret de gloire à la conqueste d'icelle, comme a esté dit cy-dessus. Et Iean de Vallette Parisot, qui a sou,

stenu le dernier siege de Malthe en l'an 1565. & a forcé le Turc de se retirer, à sa honte, & confusion.

Ceux qui ont acquis les premiers les susdicts tiltres, de Grand, & d'Altesse ont esté deux François, Jean de Laftic, & Alof de Vvignacour.

Le saint Siege Apostolique a honoré deux grands Maistres du tiltre, & Chapeau de Cardinal, pour leurs merites, tous deux François, Freres Pierre d'Aubousson Legat en Asie, de la langue d'Auvergne, & Hugues de Loubens Verdalle de la langue de Prouence.

Mais pour retourner à l'Isle de Malthe, le grand Maistre del'Isle Adam François fit faire les deux grands Palais de Saint Ange, & de la Cité Vieille, pour son habitation, & de tous ses successeurs grands Maistres, en l'année 1530.

Celuy qui a mis la premiere pierre fondamentale, & fait bastir la grande Cité de Vallette a esté François, le grand Maistre de Vallette en l'an 1566. le 24 iour de Mars.

Le grand Maistre de la Cassiere François, premcu à la grand Maistrise le 30. Ianuier 1572. a fait bastir presque tout ce qui se tiouue de beau, & de somptueux à la Cité Valette, sçauoir, la grande Eglise Conuentuelle de Saint Jean, ayant orne de beaux ornemens, & tres bien dottee, a fait faire le Palais des grands Maistres, la Castellenie, qui est le Palais, & Tribunal de la Iustice seculiere, l'Infirmierie, qui est le grand Hospital, les fours, les magazins de la poudre, les prisons des esclauues, qui sont tous Palais, les premieres salles des armes, & autres choses.

Bref, que peut-on voir de plus admirable, que ceste belle fontaine, grosse source d'eau viue, au milieu de la Cité neuue de Valette qui va fluant iusques à la marine, pour donner l'espace à toutes les galleres, & vaisseaux de la Religion, faite par le Serenissime grand Maistre de Vvignacour François, ensemble vne infinité de tres belles tours, & fortifications sur la marine, és enuiron de ladicte Isle de Malthe, *suis proprijs sumptibus*, qui immortaliseront son nom, & sa memoire, outre vne belle despoille qu'il a delaissee apres son deces.

Il laisse mille & mille autres belles remarques, genereuses actions, & entreprises sur les Turcs, & Infideles faites par les François, qui ont temoigné par les effects, qu'ils n'estoient point de petits commis d'Espagne, ny sous la domination Espagnole, citadelles sous la couleurine des estrangers, ains viuent encores en toute liberté, & franchise, autant, & plus à Malthe qu'ils sçauoient viure en France.

*Pour la cinquiesme impesure que l'Ordre Saint Jean de Hierusalem maintenant n'est plus celuy qui souloit estre en Syrie, ny à Rhodes, & ce qui s'ensuit.*

L'on respond que ledict Ordre n'a iamais esté en Syrie, ny à Rhodes en plus grand lustre qu'il est pour le iourd'huy à Malthe.

Ce sont les mesmes langues, & nations, fors que celle d'Angleterre, que les Cheualiers s'en sont separez, à cause de leur heresie.

Les mesmes dignitez de grandes Croix, grands Prieurs, Bailifs Conuentuels, & Capitulaires qui estoient à Rhodes, sont encores, & en plus grand nombre, excepté les dignitez des grands Prieurez, & Baillages, qui estoient en Grece, Cypre, & Syrie, maintenant possedez par les Turcs.

Ce sont

Ce sont les mesmes constitutions, & coustumes; & encores plus parfaites.

Les Cheualiers sont maintenant d'aussi illustres familles, & en si grand nombre, & plus, qu'ils n'estoient à Rhodes, & en la terre Sainte, où les enfans des Princes, & naturels des Roys y sont associez, & vestus del habit, & de la candeur de la Croix Ottogonaire.

Pour le Clergé, il est composé de toutes les nations Chrestiennes (bien que de naturels differens) neantmoins vnies, & regies sous vn Chef spirituel, & Ecclesiastique (*qui celebrat in Pontificalibus cum mitra, & baculo Pastoralis*) & porte la grande Croix.

L'Eglise Conuentielle dudit Ordre, en pieté, deuotion, ceremonies, & mulique, est la mieux seruie, & la plus riche en ornemens, & reliques de tout l'Europe, apres Saint Pierre de Rome.

Quant à l'Hospitalité ancien, & premier fondement dudit Ordre, le grand Hospital, & Infirmerie n'a iamais esté en meilleur estat, ny mieux basti qu'il est à present à Malthe, auquel toutes sortes de malades, de blesez, de pelerins, pauvres, & riches y sont receus, par charité gratuitement, & seruis avec vne charité nompareille par les Cheualiers dudit Ordre.

Son Altesse Serenissime grand Maistre nourrit, & sert de ses mains tous les iours dans son Palais treize grandes familles, des plus pauvres de l'Isle, reduites aux pensions annuelles, de pain, vin, chair, poisson, & legumes.

Outre ce, il sert luy-mesme tous les malades dudit grand Hospital, & Infirmerie, tous les Vendredys de chaque sepmaine, accompagné des grands Croix, & anciens Commandeurs, qui portent apres luy les plats, & son Altesse les sert de sa propre main, avec la charité, & consolation quel'humilité d'un Chef d'Ordre, & grand Prince peut comporter.

Et ce, pour demonstrier que l'Hospitalité, & Milice ont tousiours esté liees de mesme lien, des leur Institution, avec les trois vœux essentiels.

Pour le regard de la Milice, elle est mieux exercée qu'elle n'a esté par le passé, & avec plus de despence, car les seules galeres, pour leur entretenement, coustent au tresor plus de six vingt mil escus toutes les annees, sans les autres despences ordinaires, & extraordinaires.

Ce sont les mesmes vœux, le mesme courage de nos genereux Caualliers, & encores plus de nostre temps qu'au passé, tesmoins les princes, & saccagemens des villes, & chasteaux de la Mahomette, des deux fortresses de Lefpanto, Petrachi, Passual, ville de Lango, Castel Tornesi, Foggien la Natolie, Sainte Maure en Grece, & tant d'autres du temps du Serenissime grand Maistre de Vvignacour, & de son successeur de Paule.

Nos havres, & ports sont en meilleur estat maintenant, que n'estoient ceux de Rhodes, de Lymisson, de Cypre, & de Ptolemyde, & autres lieux.

Finalement, ledit Ordre n'a iamais esté en telle perfection de grandeur, qu'il est à present, & c'est la pierre d'achopement, & de scandale



pour les malicieux, & ignorans : tellement que d'oser dire que cét Ordre, qui a acquis tant d'honneur, & tant de reputation par tout le monde, n'est pas le mesme qui souloit estre autrefois en Syrie, ou à Rhodes, & a degeneré tout à fait des vœux, statuts, regles, & pieuses façons de vivre, de sa premiere origine, & institution : c'est estre aussi fol, & estourdy, que celuy qui voudroit dire, que le Soleil, ce bel œil du monde, qui roule à present sur nos testes, & nous donne dans les yeux, n'est pas le mesme qui souloit estre, & esclairer du temps d'Adam, & de nos premiers Peres, & dès le commencement des creatures, qu'il a mesme per du beau-coup de sa lumiere, c'est estre plongé entierement, ou dans les refueries, ou dans l'ignorance.

*Autres cinq sortes d'impostures qui regardent le General de l'Ordre, confusément desployees dans ses pretendues obiections.*

**R**este à respondre aux autres impostures, & calomnies de Moncal, qui concernent le General de l'Ordre, dont la premiere est, *Que sur le pretexte de Malthe les subjects du Roy (contre la paix surree) despendent les mers de Levant, & de Barbarie, & qu'à ceste occasion le Turc a commandé à ses corsaires d'Alger, & de Thunes, d'en faire de mesme, par diversions, & represailles, en sorte qu'ils ont fait perdre plus de six vingts mille François depuis 25. ans, plus de cinquante mil escus, & plus de quatre cens vaisseaux de navigation.*

*On oppose pour verité contre ceste calomnie, que ce n'est pas depuis 25. ans, que la Religion de Malthe a commencé à faire la guerre aux Turcs, & Infideles, il y a prés de six cens ans qu'elle a ou son commencement dès l'institution dudict Ordre, (ainsi qu'il a esté verifié dans la premiere Partie de ce discours) chose que le grand Seigneur, le grand Vizir, & les Bachaz n'ont iamais ignoree, ils ne sçauent que trop que ceste Religion Militante, composee de toutes les nations Chreitiennes, a esté instituée exprés, pour leur faire vne perpetuelle guerre, & pour la deffence de la foy Chreitiennne, *Non minus Gallia Regni, sed omnium Christianorum*, laquelle guerre ne peut auoir fin, que par celle de la secte Mahometaine. Tous les Papes, Empereurs, Roys, & Princes de la Chrestitution ont approuvé, loué, & confirmé la profession, & vie de ces nouueaux Machabees de la Loy Chreitiennne.*

Il n'est plus temps que le Turc s'en pleigne, c'est vne vieille querelle de l'ennemy infidele, qu'il a esproouue pendant les trois principales retraits de cét Ordre, Syrie, Rhodes, & Malthe, le plus souuent à son tres grand dommage.

Aussi n'est-ce pas le principal but de l'Infidele, de tendre à la ruine seule de ceste petite Republique Militante, mais bien de toute la Monarchie Chreitiennne, & de se rendre le Maistre vniuersel de l'Europe, de l'Afrique, & de l'Afrique, desquelles il possède la plus grande partie inu-

blement, au tres-grand preiudice de la Republique Chrestienne.

Quant à la deuxiesme imposture generale, *Que ledict Ordre n'observe pas la neutralité vers les Princes Chrestiens, qu'il porte ses armes pour l'Espagne, contre la France, & le saint Siege, & autres Princes.* Elle est pareillement absurde, car par les Loix, & Constitutions dudit Ordre, il est expressément deffendu aux Cheualiers de se mesler en aucune façon des guerres, & interets d'entre les Chrestiens, à peine de priuation d'habit, laquelle deffence fut expressément faicte par Heredia trente-deuxieme grand Maistre dudit Ordre à Rhodes, *Titulo de prohibitionibus, & panis Stat. 24.*

*Quod Fratres non se immisceant bellis Christianorum.*  
F. Ioannes de Heredia.

*Statuimus, quod Fratres Ordinis nostri, non implicent se Bellis, & gentibus armorum Christianorum ad inuicem, quod si qui commiserit, habitum perdat, quem si de gratia specialiter recuperaverit, commendatum, binorum, ac etiam beneficiorum nostrorum administratione, per decem annos priuetur, quam habere non possit nisi decennio clauso, inhibentes Priori, & Castellano Emposta, ac Commendatariis, ne dent licentiam fratribus, se exercendi in bellis Christianorum, nisi ei iniunctum esset à Principe, vel Domino Prouincia, quia tunc licentiam concedere possunt. Attamen eo in casu, arma seu insignia Religionis deferre non possunt: sed si pro defensione Religionis vel in Comitibus Prioris talibus bellis se immiscuerint, tunc insignibus Ordinis nostri uti possunt.*

Et afin de prouuer au fonds ceste verité, & faire voir à tout le monde que ledict Ordre a ce priuilege de neutralité, & qu'il s'est maintenu en la possession d'iceluy à toutes occurrences, & rencontres, & mesmement en faict de guerre.

L'Empereur des Romains Charles V. pour laisser à part l'antiquité par les Priuileges qu'il a octroyez audit Ordre, donnez à Bruxelles, le 25. iour d'Aoust 1536. a faict paroistre l'affection qu'il portoit à ceste sacree Religion Militante, qui sont tres-beaux, & en grand nombre, dans lesquels est la Declarauon expresse de ce Priuilege de Neutralité par ces mots:

*Sc'auoir vous faisons, que les choses susdictes considerees, inclinans fauorablement à la requeste des Cheualiers, Commandeurs, & Religieux, Freres, & suppos de l'Hospital Saint Iean de Hierusalem, Nous iceux ensemble leurs subiects, couchans, & leuans sur leurs territoires, estans, tant en nos pays de Flandres, Artois, qu'au Royaume de France, sur la frontiere de Picardie, & ailleurs, & à l'environ, avec quelsconques leurs biens, Auons, par l'aduin, & de liberation de nostre tres-chere, & aymee Sœur la Roynie douairiere d'Hongrie, de Boheme, (pour nous Regente, & Gouvernante en nos pays de par deçà) priu, & mu, prenom, & mettons par ces presentes, en, & sous nostre protection, & sauuegarde speciale, à la seureté, & tuition de leurs personnes, & biens seulement, & qu'à ceste fin nul n'en puisse pretendre ignorance, leur consentons*

faire mettre, & apposer aux aduenus, & autres lieux de leursdicts territoires, maisons, & edifices, blazons, armoiries de nos armes, & qu'à leur requeste nostre dñte garde soit publiee par tous les lieux de nos iurisdiccions, & charges. Si vous mandons, & deffendons, à peine de nostre indignation, & de punition, comme infraction de garde, vous, ne aucuns de vous, ne molestez, troublez, ou endommagez lesdicts supplians, ou leurs subiects, couchans, & leuans, par logis, fouragement, prinse de leurs personnes, & biens, sous couleur, ou occasion de guerre, de leur situation, ou residence, sous le Roy de France, ou de leur conuersation es villes, ou avec les gens de son party, ou autres, pourueu toutesfoiſ qu'ils ne pourront sonner la cloche, faire alarmes, courſes, ny entreprinſes, &c.

Les Roys de France ont de meſme octroyé audiſt Ordre le priuilege de Neutralité. Henry II Roy de France, par ſes Lettres patentes donnees à Paris, au mois de Iuillet 1549. le declare apertement, apres le denombrement qu'il faiſt des priuileges, exemptions, & immunitéz qu'il a octroyé à iceluy, ſur la fin deſdicts priuileges, eſt la clause ſuiuante. Sçauoir faiſons, Et plus bas eſcrite.

Et à ce qu'ils ayent meilleur moyen de fournir, & ſatisfaire aux grandes charges, & fraiz qu'il leur conuient faire, à la tuition, deffence, & protection de la foy, & qu'à l'occasion des guerres qui peuuent ſuruenir entre nous, & les Roys, & Princes Chreſtiens nos voiſins. Ils ne ſoient deſtruits, ruinez, n'endommages. Nous deuément aduertis que les Princes, Seigneurs, & Potentats nos voiſins, en venſent en ſemblable enuers ceux de ladicte Religion nos ſubiects, qui ont Commanderies, benefices, biens, terres, poſſeſſions, & reuenus, tant en leurs pays, terres, ſeigneuries, & pays de nostre obeyſſance, voulons, ordonnons, & de nostre certaine ſcience, grace ſpeciale, plenne puiſſance, & auctorité Royale, leur octroyons, que ſi guerres, débats, ou differens ſe meuuent entre nous, & autres Roys, Princes, & Potentats, en l'obeyſſance deſquels ils ayent aucuns Priuerez, Commanderies, Preceptories, benefices, terres, poſſeſſions, membres, dommaines, cenſes, fermes, ou reuenus, ils ſoient neantmoins en ſeureté, & puiſſent ſeulement, & ſans aucun inconuenient, dommage, ou crainte de la guerre, eux, leurs gens, ſeruiteurs, fermiers, cenſiers, procureurs, familles, & meſnages, labourer, negocier, & profiter en leurs maiſons, benefices, terres, cenſes, fermes, & poſſeſſions (tout ainſi que s'ils eſtoient dans nostre Royaume) ainſi ſouſſent durant lesdictes guerres, du bien-faict, & benefice de paix, comme gens neutres, dediez, ordonnez, & deputez au ſervice de Dieu, & comme tels les auons déſ à preſent (comme pour lors) eux, leurs gens, ſeruiteurs, & fermiers, cenſiers, procureurs, receueurs, familles, & meſnages, tous, & chacun leurs biens, prins, mis, prenis, & mettons en nostre protection, & ſauuegarde. Inhibons, & deffendons à tous nos Lieutenans, Gouverneurs, Mareſchaux, Capitaines de gens de guerre, tant de nos Ordonnances, qu'à autres, & à tous nos ſubiects, que pour quelque cauſe, ou occasion de guerre, ils n'ayent à courir, piller, gafter, ſourragier, n'endommager les terres, maiſons, cenſes, fermes, & poſſeſſions, membres, ou dépendances de ladicte Religion, ne à iceux, leurs gens, ſeruiteurs, ſeruiers, cenſiers, procureurs, receueurs, familles, & meſnages, faire aucun ex-

ce, force, exaction, rançon, prinse, travail, iniure, ou molestation en corps, ne en biens, sur peine de punition corporelle, ains les maintiennent, gardent, & deffendent de toutes forces, iniures, & vexations, à leur pouuoir (pournen toutefois que lesdits Priours, Baillifs, & Commandeurs, leurs gens, fermiers, censiers, seruiteurs, familles, & menages se contiendront paisibles en leurs Commanderies, & maisons, ou se retireront en leur maison de Malthe, &c.

Voila doncques comme les deux plus grands Princes, & Monarques de la Chrestienté, les Roys de France, & d'Espagne, despartans leurs faueurs enuers cét Ordre belliqueux, luy ont octroyé le priuilege de Neutralité, & approuué sa derniere retraicte de Malthe, comme tres-vtile à la Chrestienté, & grandement aduantageux pour la conseruation de leurs Estats, subiects, & seigneuries.

Maintenant pour le second point (sçauoir si ledict Ordre s'est maintenu en sadite possession dudiect priuilege de Neutralité, il est question d'en faire voir le iour, & l'esclat de la verité, & conuaincre de faux, & d'erreur le contraire.

Et pource, ie dis premierement qu'en Syrie ledict Ordre s'est toujours maintenu en ladicte possession, lors qu'il estoit à Ptolemyde.

Et de faict, estant suruenu vn iour quelques querelles, & pretensions pour le Royaume de Hierusalem, contre Charles d'Aniou, Roy de Naples, & de Sicile, & Hugues de Lusignan, ledict Roy Charles eut le droit dudiect Royaume de Hierusalem, par cession, & renonciation à luy faite par la Princesse Marie, fille de Raymond Ruppin, Prince d'Antioche, petit nepueu d'Emery Roy de Hierusalem, le Roy Charles d'Aniou de si-  
rant se mettre en possession dudiect Royaume, y enuoya le Comte Rogier de Saint Seuerin, avec tiltre de Gouverneur, ou Vice-Roy, en passant par Ptolemyde, pria les Hospitaliers de l'assister en ceste entre-  
prise, ils luy firent responce, qu'ils ne se pouuoient entremettre des diffé-  
rens des Princes Chrestiens, qu'ils estoient tres humbles seruiteurs du  
Roy de Naples, & amys encores du Roy de Cypre, & que leur profes-  
sion, & leurs loix ne permettoient pas de prendre aucun party, ny d'em-  
ployer leurs armes. & leurs forces, que pour combattre les ennemis de la  
foy, & pour se deffendre d'eux, ce fut en l'annee 1277. Bosio premiere  
Partie, liu. 10. fueillet 224.

Durant la deuxiesme retraicte à Rhodes, les Venitiens, & les Gene-  
uois eurent querelle ensemble, pour ialousie nee entr'eux, au suiet que  
les Geneuois auoient pris, saccagé, & bruslé la ville de Negrepont en la  
Moree : Le Pape escriuit aux Hospitaliers en l'an 1350. d'vsr de leurs  
priuileges de Neutralité, & ne fauoriser non plus le party des Geneuois,  
que celuy des Venitiens, à quoy ils obeyrent volontiers, du temps du  
grand Maistre de Gouzon.

En la troisieme retraicte à Malthe, le Pape Paul III. escriuit au grand  
Maistre de Hornedes, & à son Conseil, deux brefs du 18. & 22. Aoust 1543.  
de se preparer avec leurs galeres, vaisseaux, & barques, & se joindre avec  
l'armee de l'Empereur Maximilian II. pour combattre l'armee de Bar-  
berousse Corsaire Turc, iointe avec l'armee de François I. Roy de France,  
lesdits Hospitaliers ne se voulurent iamais entremettre de leurs guer-

res, & differents, & vserent fort bien de leur priuilege de Neutralité, & firent responce à sa Sainteté, qu'ils y fussent volontiers allez, n'eut esté la preséce du Roy de France, contre lequel ils ne pouuoient employer leurs forces, pour cause de leur Neutralité.

Et d'autant que le Sieur Leon de Strosse grand Prieur de Capouë estoit pour lors General des galeres de France, & à ceste cause tenoit le party du Roy, l'Empereur fit saisir sondit grand Prieur de Capouë, & mettre en sequestre les fructs d'iccluy, en la mesme année suldiée 1543.

Il est vray, que du viuant du grand Maistre de Vvignacour, les galeres de Naples, & de Sicile conduites par les generaux des armées, des Vice-Rois desdicts Royaumes, & les enfans mesmes desdicts Vice-Rois, sont venus à Malthe se ioinde avec celles de la Religion, pour faire quelque belle entreprise (non sur les Royaumes Chrestiens) ains en Barbarie. ou en l'Archipelago, comme ils firent en la prinse, & saccagement de la Mahomette en Barbarie, lors que l'Adelantade de Castille, General des galeres de Sicile, vint à Malthe associer les galeres de Sicile, avec celles de la Religion, ils allerent ensemble en Barbarie, prirent ladicte ville de la Mahomette heureusement, mais l'issuë en fut triste, causee par l'ambition dudiect General l'Adelantade, car il y perdit la vie.

Mais quel Ordre Sai. Et Ican de Hierusalem en general ayt porté les armes contre le seruice du Pape, des Roys de France, & d'Espagne, il ne se trouuera iamais que cela soit arriué, ny qu'il s'en trouue aucun exemple dans les histoires.

Au premier point de la troisieme imposture, qui dit, *Que cet Ordre n'est pas l'hospital de la pauvre noblesse de la France, &c. ains que c'est plus tost le suiet de sa misere, & de sa ruine.*

L'on respond, que la pauvre noblesse Françoisse, pour la descharge de leurs familles, & de leurs puisnez, ne scauroient trouuer dans tout le Royaume meilleure fortune, ny plus certaine que celle de Malthe, l'experience le demonstre, d'autant qu'à Malthe, & en France l'on a veu communément ceste pauvre noblesse receuë audiect Ordre, posséder de tres-beaux biens, & bonnes Commanderies, paruenir aux dignitez de grands Croix, grands Prieurez, Baillages, & autres biens, & honneurs, voire mesmes quelques-vns estre esleuez à la souueraineté de ceste sacree Milice, où leurs aïnez ne iouyssoient pas de cinq cens escus de reuenu patrimonial, ce qui est notoire à tous, & en a-t-on veu vne infinité de belles experiences.

On aduouë qu'à la Cour des Grands, & à la suite des Princes Souuerains, l'esperance de la fortune y est tres-adauantageuse (encores que rare de cent l'un) & neantmoins beaucoup de personnes se nourrissent dans l'attente d'un bonheur, y bastissent, & fondent leur ruine.

Mais en ceste Milice, il y a plus d'assurance, & la fortune s'y monstre plus fauorable, tous la peuuent faire, si le temps le leur permet, ou d'une façon, ou d'autre, & le commun dire ancien est veritable, qu'il ne peuuent mourir vieux pauvres, (si la faute ne vient de leur costé) car la longue vie, & la patience les portent en fin asseurement dans les biens, & les richesses.

Joint qu'outre la fortune de leurdict Ordre, plusieurs, par leurs merites, & vertus ont esté employez au seruice des Roys, & Princes Souuerains, en des charges tres-honorables, & pour preuue de mon discours, i'en produiray de beaux exemples.

Le Cheualier Leon de Strossé, cy-dessus nommé (qui fit bastir le chasteau Saint Herme dans Malthe) fut tellement courtisé de la fortune, & porté si haut dans les honneurs, qu'il deuint General des galeres de France, sous le Roy François premier.

Le Commandeur Don Iean Ferdinand de Heredia, deuant que d'estre promu au Magistaire, fut Ambassadeur de la part du Pape Gregoire XI. prés les pesonnes de Charles V. (dict le Sage) Roy de France, & d'Edouard III. Roy d'Angleterre, fit faire la plus grand part de ces belles murailles, tours, & bouleuards de la ville d'Auignon, & fut Capitaine d'armes, & Gouverneur general de la Cité, & Comté dudit Auignon, l'une des principales places de l'Eglise.

Le Segnor Don Hernandez Giron, Commandeur, & Cheualier de Malthe, a esté Ambassadeur en France, auant le Seigneur Marquis de Mirabel, de la part du Roy d'Espagne, & a eu d'autres belles charges en Flandres, & à present est Conseiller d'Estat en Espagne, & la seule qualité de Cheualier, estayee de ses merites, luy a acquis toutes ses belles fortunes.

Le Commandeur Frere Jacques de Dion François, Cheualier dudit Ordre, Commandeur de Charrieres, & Sainte Anne, fut deputé Ambassadeur general à Rome, de la part de la Ligue de France.

Frere Aymard de Clermont, dict de Chattes, Cheualier, & Marechal dudit Ordre, de la langue d'Auuergne, Commandeur de Lormeteaux, & de Saint Paul, fut Vice-Admiral de France, Gouverneur, & Lieutenant general pour le Roy en son pays de Caux, Gouverneur de la ville, & chasteau de Dieppe, & auparavant fut par le Roy Henry III. enuoyé Lieutenant general de l'armee nauale, pour restablir Anthoine de Portugal en son Royaume, & par le Roy Henry IV. fait General de son armee nauale, pour la conqueste de son pays de Bretagne, & Ambassadeur extraordinaire vers la Roynne d'Angleterre. Sa vie, & ses actions genereuses seruent de remarquable exemple aux trois langues Françaises pour l'imiter.

Frere Himbert de Saleffes, dit la Mante, aussi Cheualier dudit Ordre, de la mesme langue d'Auuergne, Commandeur des Bordes, a esté Lieutenant Colonel de la caualerie legere de son Altesse de Sauoye.

Le Commandeur de la Porte, Tresorier general dudit Ordre, est de present Gouverneur de la ville, & chasteau d'Angers, Ambassadeur près du Roy pour ledict Ordre, & par son integrité, grand merite, & experience en la nauigation, a la charge de l'intendance des armemens, & vaisseaux de sa Majesté, & des fortifications des ports, & havres du Royaume sur la mer Océane.

Le Commandeur de Sillery François, aussi Cheualier dudit Ordre, a esté honoré de l'Ambassade ordinaire de Rome, de la part de sa Majesté.

Le Cheualier de Beauregard a esté general des vaisseaux du grand

Duc de Toscane si genereux, & entreprenant, qu'il faisoit trembler de son temps toutes les villes, & forteresses maritimes du Levant.

Les Commandeurs d'Aurifa, & de Fourbin, ont eu l'honneur de commander aux galeres de France à Marseille, en qualité de Lieutenans généraux desdictes galeres.

Le Commandeur de la Hilliere aussi Cheualier dudict Ordre, a pareillement eu le commandement d'une desdictes galeres de France, & a fait paroistre son courage, & sa vertu en mille occasions, de forte qu'en bonté, & integrité de vie, il peut seruir de miroir à toute la Religion, & à toute la Noblesse.

Le Cheualier, & Commandeur de Souuré a ce bon-heur d'auoir esté nourry, & esté près de la sacrée Majesté Royale en France, s'y est comporté avec telle prudence, & sagesse, qu'il est encores pour le iourd'huy. l'un de ses tres humbles seruiteurs & fauoris, & admiré en Cour pour sa sagesse, & pour ses vertus, de tout le monde.

Il laisse à part vn nombre infiny d'autres Cheualiers, que leur vertu a esleuez en de grandes charges, parmy les Princes estrangers, & parmy nous en ce Royaume, & sans faire mention des autres deux anciennes retraites de la Religion, il ne faut que ietter les yeux sur la ieune noblesse Françoisé, instruite en toutes sortes d'exercices militaires dans nostre Academie de Malthe, là on trouuera que l'histoire est pleine de leurs faits heroyques, & que le temps fait sortir de ceste nouvelle eschole, & fournir à toute la Chrestienté des foudres de Mars, des Capitaines dignes de commander aux armées, & des personnes capables d'exercer, ie dis dignement toutes sortes d'Ambassades. Je ne parle pas de nos grâs Croix, qui ont desia atteinu la perfection de toutes sortes d'experiences, & d'exercices militaires, car ils sont les piliers de nostre estat, & seroient suffisants de tenir les autres des plus puissans Etats, & de porter le faix (comme des Atlas) des plus grands Royaumes, & Monarchies.

Lors que la conuocation du Concile de Trente fut signifiée à Malthe l'an 1565. l'Ordre deputa trois Cheualiers-Commandeurs, tres-capables & sçauans pour haranguer audict Concile, & représenter ce qui estoit porté par leur instruction, le Vice-chancelier Frere Martin Royas Espagnol, Frere Ioseph de Cambiano Italien, & Frere Nicolas Durand, dit de Villegaignon François, issu de ceste tres noble famille des Durands de Paris, qui a de tout temps peuplé de Presidens, Conseillers, & Maistres des Requestes, les Conseils du Roy, & le Parlement des Pairs, a pour le iourd'huy encores vn Commandeur issu de ceste famille, qui ne cede en pieté, doctrine, & generosité au susdict Ambassadeur son orcle, lequel (outre sa charge d'Ambassadeur qu'il exerça tres dignement audit Concile general de Trente) dedia à l'Empereur Charles V. l'an 1553. vn Liure tres-docte, & tres-eloquent en langage Latin, qu'il intitula *de bello Melitensi ad Carolum Casarem*, Nicolas Villagagnonis, equitis Melitensis Commentarius.

Et c'est vne coustume fort remarquable, & digne de grande louange en nostre Religion, qu'elle ne depute iamais ses Ambassadeurs ordinaires, ou extraordinaires, près des Papes, Empereurs, Roys, & autres Prin-

ces, &c

ces, & Republiques Chrestiennes, qu'ils ne soient grands personages, & consumez en experience de guerre, & d'affaires, tel qu'est auourd'huy le Commandeur de la Porte, Tresorier general dudit Ordre, homme plein de vertus, & belles perfections, & qui sert à tous d'object, & d'admiration sur le theatre de ce Royaume.

Le Commandeur de Saint Liger pour le iourd'huy Ambassadeur près de la Sainteté Urbain VIII. seruira aussi de tres-suffisante preuue pour les autres: car tout nostre Ordre recognoist sa prudence, & la dextérité à manier, & faire reüssir les plus grandes, & difficiles entreprinſes au bien de la Religion: l'essay qu'il donna de soy dès qu'il y fut receu, promettoit bien qu'il seroit vn personnage d'eminente vertu, car sur la recente nouuelle de la mort du Cheualier du Puy Saint Martin François, qui auoit peu auparauant esté martynisé pour auoir fait le voyage de Cypre, & de Famagoste, ledict Cheualier de Saint Liger s'offrit genereusement d'aller recognoistre lesdictes places, & mesprisant sa vie, y fut en personne, & rapporta au Conseil, & à son A. de Vvignacour toutes les particularitez remarquables, & les preparatifs qui estoient necessaires à faire reüssir la conqueste desdictes places, & ce qui est esmerueillable, vendit son patrimoine pour faire ledict voyage, du depuis a commandé vne de nos galeres, & le gouuernement de l'Isle du Goze, & l'Ambassade de Rome.

Tout ce que dessus tesmoigne que la Noblesse Françoisse ne se ruine pas de corps, & de biens, pour entrer dans nostre Religion, au contraire, qu'il y a plus de profit, que d'entrer aux autres Ordres reguliers, car pour faire vne fille Religieuse dans ces nouveaux Monasteres de Paris, les mil & les deux mil escus d'entree, ne sont suffisans (sans leurs pensions annuelles, & viageres, autres tirent apres eux leur patrimoine, pour l'apporter à la Religion, & en frustrent leurs familles.

Mais pour le passage d'vn Cheualier de Malthe, la taxe ordinaire n'est que de 250. escus vne fois payez au tresor dudit Ordre.

Et le souhait de Moncal est horrible, & prodigieux de dire, *Que cét Ordre seroit mieux en France dans les deserts inhabitez d'Hieres.* C'est souhaiter vn monstre imparfait, vn corps sans teste, ou vne teste sans ses membres, & tels desirs, & souhaits tirent dans l'impieré, & tesmoignent vne ame trop malicieuse.

Sa Majesté, comme fondatrice de ce corps, en est le Souuerain, & particulièrement en France, les biens, & les Caualliers ses subiects sont à sa disposition, ausquels, & à chacun d'eux en particulier elle commande en terre, & en mer, sur ses vaisseaux, & armements en toute liberté, & comme il luy plaist, sans que le corps dudit Ordre ait iamais trouué mauuais, ains le reçoit à vne tres-grande faueur, & les particuliers Cheualiers s'estiment trop heureux d'employer leur vie, & leur courage au seruice de leur fondateur, & du plus grand Roy de la terre.

Mais lors que la Majesté, ou ses successeurs prendront resolution de conquerir la terre Sainte, ou faire la guerre aux Turcs, & Infideles (à l'imitation de Louis VII. dit le Icune, de Philippe Auguste, de S. Louis, &



autres Roys de France, & clez à l'honneur diuin, & resolu à la ruine des Infideles.)

En ce cas toutes les forces, les vies, & les biens de tout ce corps en general, & toutes les nations estrangeres desquelles il est composé, viendront au deuant de sa Majesté les bras armez, l'estendard desployé à son seruice, & pour l'exécution de ses saintes resolutions: outre que ce qui feroit à faire n'est pas fait de bastir des forteresses, des tours, & boulevards, des havres, & des ports artificiels, & des villes, dans les desertes des Isles d'Hieres, ce ne sont pas ourrages d'un iour.

Le second poinct calomnieux, par lequel l'Auteur ose dire, *Qu'il sort plus d'argent de France par le moyen de Malthe, qu'il n'en sort pour Rome, Hollande, & Suisse*, est de mesme tremepe que le reste, aussi faux que le premier, & n'est non plus considerable que les autres.

Car la France n'est pas la seule nourrice de Malthe, les autres nations y contribuent beaucoup plus de leur costé, & iamais n'en ont fait aucune plainte.

L'Ordre Saint Iean de Hierusalem est diuisé (ainsi qu'il a esté dict) en huit langues. 1. Prouence, 2. Auvergne, 3. France, 4. Italie, 5. Aragon, Cathaloigne, & Nauarre, 6. Angleterre, 7. Allemagne, 8. Castille, Leon, & Portugal.

En huit Baillifs Conuentuels, chefs, & piliers des langues, sçauoir le grand Commandeur, le Marechal, l'Hospitalier, l'Admiral, le grand Conseruateur, le Turcopellier, le grand Baillif d'Allemagne, & le grand Chancelier.

En 14. grands Prieurs, suivant le rang desdictes langues, sçauoir les grands Prieurs de Saint Gilles, Thoulouse, Auvergne, France, Aquitaine, Champagne, Rome, Lombardie, Venise, Pise, Barletta, Messine, Capoue, grand Carleau d'Amonte, Cathaloigne, Nauarre, Anglererre, Hibernie, Allemagne, Boheme, Hongrie, Dace, Castille, Leon, & Portugal.

En 19. ou vingt Baillifs Capitulaires, sçauoir les Baillifs de Manosque, de Lyon, la Morce, Tresorier general, Sainte Eufemie, Saint Estienne, Venozze, Naples, Maiorque, Caspe, de l'Aigle, de Brandebourg, de Lora, de Leza, & de las Nuefuillias.

En autres Baillifs Capitulaires communs à toutes langues, sçauoir l'Euesque de Malthe, le Prieur de l'Eglise, & le Commandeur de Cypre. Quant au Baillif de Negrepont il est commun aux deux langues d'Aragon, & Castille, &c.

Aux trois langues Françoises y peut auoir enuiron de deux cens chefs de Commanderies, ou peu prés, autant en Espagne, & le mesme en Italie, sans l'Allemagne.

Le tresor de la Religion, & son reuenu consiste en responsions, & impositions, qui se prennent ordinairement du quint du reuenu de chacune Commanderie, consiste encores és reuenus des vacans, & mortuaires, passages, ou receptions des Cheualiers, & leurs despoüilles, tous lesquels reuenus du total, ne reuiennent qu'à la somme de deux cens mil escus, au plus.

Et d'autant qu'en Espagne, principalement en Castille, les Commanderies valent le triple dauantage, que celles de France, & par consequent, l'Espagne paye trois fois autant de charges, de responsions, d'impositions, de vacans, & de mortuaires que toute la France.

La despence ordinaire consiste à l'entretenement des luminaires, reparations. & ornemens de la grande Eglise de sain & Iean.

A la nourriture, & entretenement du grand Hospital, ou Infirmerie des pauvres, malades, & blesez.

Al'achapt des bleds, vins, chairs, & autres prouisions, & munitions de guerre, solde des Cheualiers, gages d'Officiers, fortifications des citadelles, tours, ports, havres, entretenement des garnisons esdictes forterelles, pensions de son A.S. du Prieur de l'Eglise, des Ambassadeurs, & autres.

Nourriture, & entretien des Auberges, de tous les Cheualiers, Commandeurs, grands Croix, & de tous les Monasteres, de saincte Vrsule, des Filles Penitentes, & des autres Religions Mendiantes.

Bref, elle sustante tout le peuple Malthois, grands, & petits, ieunes, & vicux, de l'un, & de l'autre sexe, qui viuent sous la prouidence generale dudit Ordre.

Et par ceste enumeration (qui est certaine) la despence surpasse les reuenus ordinaires de plus de cinquante mil escus, l'article seul de l'entretenement des cinq galeres monte plus de six vingts mil escus chaque annee, (ainsi qu'il a esté dict.)

Et n'estoit les hazards de la guerre, des princes qu'on fait quelque fois sur les Turcs, & Mores, la Religio ne pourroit subsister, à faute de moyes.

Par ainsi le secours de Malthe ne vient pas de la France seule, ains des autres nations, & la plus grande abondance de l'Espagne, cōme il a esté dit, c'est donc bien loin d'alleguer, *que les tresors de la France sont espuiséz par le moyen de Malthe, calomnie effrontee, & punissable.*

Ala quatrième imposture generale, *que les grands Maistres, & Chefs de ceste Milice sont esleus communément des langues Françoises, par l'artifice de l'Espagnol, pour entretenir la mauuaise intelligence du Roy, & du grand Seigneur, & qu'il ysurpe d'autorité les voix, & les suffrages de l'eslection, pour faire grand Maistre tel qu'il veut, & selon qu'il iuge d'estre utile, & necessaire, pour l'aduancement de ses affaires.*

Cela sent son ignorance, voire vne pure malice, d'autât que les eslection Magistrales sont libres, & nō forcees, & les François ont l'auantage en telles nominations, & eslection des grāds Maistres, & en sont en possession immemorialle, dequoy les autres nations ont tousiours grōdé, l'ont porté impatiemment, & ont tasché par plusieurs fois de les rōpre, ou du moins que telles preeminēces fussent partagees en cōmun parmy les autres langues.

Il y a seize Eslecteurs, deux de chaque langue, desquels Eslecteurs il y en a six des nations Françoises, qui entrent au Conclau, quatre Espagnols, deux Italiens, deux Alemans, & deux choisis au sort pour la nation Angloise, ou du consentement general de tous les Cheualiers de l'Ordre.

Les seize Eslecteurs susdits sont choisis, & nommez par vn Triumvirat, composé des trois differences de Religieux qui sont en l'Ordre, d'un Cheualier, d'un Prestre, & d'un seruant d'armes.

Le dit Trium virat est nommé par huict autres particuliers Eſelecteurs, & ceux cy ſont pareillemēt nommez par chacune des 8. ſuſdites langues allembles dā la grāde Eglise S. leā, chacune dās ſa chapelle particuliere.

Et par conſequēt, ſuivant les raiſons ſuſdites, l'artifice de l'Eſpagnol ne peut rien en telles e-lections, moins ſc iuroit il v ſurper d'authorité, la moindre voix, & ſuffrage deſdites e-lections, auſſi ne l'ont-ils iamais entrepris, & ſoutenir le contraire, c'eſt oppugner malicieuſement la verité, & authoriſer le menſonge.

Lacinquieme, & deruiere impoſture generale contient cinq poincts, ou obiections, la premiere cōprend encores la conſclusion dudit Moncal, *Que le Pape ne ſe peut offencer, ny interrompre la bonne intelligence auec le Roy, quand bien ſa Maſte reünirait la grande Maſtriſe de cēs Ordre à ſa couronne, & qu'il y va de la conſcience du Pape, ſ'il ne le fait, à quoy il conſid : & que le Roy ſe doit declarer grand Maſtre de cēs Ordre, comme ont fait tous les Princes ſes voiſins, & à plus iuſte titre, &c.*

Voicy vn loup rauiliſant, dēguifé en paſteur, vn nouveau caſuiſte, qui prend la hardieſſe de preſcher le Pape, & le Roy, qu'il y va de leur conſcience, ſ'ils ne coopèrent à ſes pernicieux deſſeins, pour perdre, & diuiſer le troupeau de ces genereux Caualliers Militans, deſſeigneurs de la ſacree Bergerie des fideles Chreſtiens. Mais il ſe trompe, car aux affaires importantes, on ne ſe haſte pas tant, ny de la façon qu'il les a ſongees dans ſon imagination creuſe, & fantaſtique.

Ce qui a pris ſon eſtre, & ſa conſiſtance par cinq, ou ſix ſiecles, ne ſe diſſipe pas ainſi en vn moment, les deux proſtituez qui cauſerent la ruine de l'Ordre Militant des Templiers, promirēt de ceſte forte au Roy Philippe le Bel, que ſa Maieſte ſe pourroit acquerir des treſors inestimables, *s'appropriant les biens deſdits Templiers, prometteurs du malheureux ſerpēt ſeduc-teur de nos premiers Peres (eris ſicut dñ)* & toute le contraire arriua à l'vn, & à l'autre, & d'oū ſous des fauſſes perſuaſions, on eſperoit mille contētemēts, il n'eſt fortit que ruines, malheurs, & des regrets inestimables.

L'artifice, & inuention malheureuſe de ce pernicieux donnent d'aduīs Moncal, me fait reſſouenir de celui du ſacrilege Symon de la Tribu de Beniamin entre les Iuiſ, & grand Maſtre, & Sacriſtain du S. Temple de Hieruſalem, lequel picqué d'vne paſſion furieuſe, ou de quelque mecontentement eſtrange, ſe reſolut de ruiner ceſte ſainte maiſon de Dieu, & l'expoſer au pillage des Princes Infideles, & pour ce faire donna aduīs au Roy Apollonius, *En nunciāuit ei, pecunijs innumerabilibus plenum eſſe ararium Hieroſolymis, & communes copias immenſas eſſe, quā non pertinent ad rationem ſacriſciorum, eſſe autem preſibile ſub poſteſtate Regis cadere vniuerſa, &c.* Et ce Prince ambitieux, enyare de l'appetit de ces grands treſors, & ſe laiſſant aller à ce mauuais conſeil, deſeſcha pour en faire l'exécution, vn de ſes Lieutenans, appellé Heliodore, mais le Ciel ſ'oppoſant à ce mauuais deſſein, y employa ſes Anges, qui empeſcherent le coup, & chaſtierent terriblement l'entrepreneur de telles choſes, l'Histoire en eſt toute au long dans le 2. liu. des Machabees chap. 3. Partant, que Moncal prenne garde à ſoy, & faiſant ce que fit Symon, qu'il apprehende les iuge-mens diuins, & qu'il ne luy en arriue tout de meſme.

Et pour retenir à mon propos, presuppôsé que le Roy Philippes de premier abord, eut donné quelque ereance à ceste proposition d'vuir tous les biens Rables des Templiers à sa couronne. Estant neantmoins reueu à soy par vne reflection saine, & Royale, tant s'en faut qu'il le desirast, ou qu'il se les eut voulu approprier, qu'au contraire, il proeura le premier que lesdits biens fussent employez (à quoy ils auoient esté dediez) pour faire la guerre contre les Infideles. A ceste fin il voulut assister avec les enfans au Concile general de Vienne en Dauphiné l'an 1311.

*Interfuerunt Concilio Philippus Gallia Rex, & filij eius tres*, disent les Auteurs, & luy-mesme le declara par ses Lettres patentes donnees à Paris le 28. May 1312. en ces mots:

*Philippus Dei gratia Francorum Rex, &c. Cum propter abominaciones, & errores Templariorum contra fidem Catholicam in eis repertos eorum Ordo, nomen, & habitus fuerint in perpetuum, nuper in generali Concilio Viennensi per Apostolicam sedem omnino sublatis, & à nobis presentibus instantibus atque requirentibus, bona dictorum Templariorum, seu eorum Ordinis, quæ pia deuotione fidelium, pro terra sancta obsequio destinata fuisse, per eandem sedem Apostolicam, Magistro, & fratribus Hospitalis, sancti Iohannis Hierosolymitani, ac eorum Ordinis, pro dicta terra sancta subsidio concessa fuerunt perpetuo, & in eos translata, per eos habenda tenenda, & perpetuo possidenda, &c.*

Quant au Pape Clement V. il reconnut tres bien que sans vn Concile general, il ne luy estoit loisible de disposer seul *ad natum* des biens, & grand Maistrise desdits Templiers, pour les conuertir à d'autres viages qu'à ceux à quoy ils auoient esté consacrez, qu'il falloit la cõuocation dudit Concile, où le trouua le Pape en personne, & enuiron trois cens Euesques, deux Patriarches, d'Alexandrie, & d'Antioche. Et ceste cheute ou extinction troubla toute la Chrestienté, d'autant qu'il falut distinguer les coupables (pour les chastier, & exterminer,) d'entre les Innocens, (pour conseruer leur innocence, & leur donner de quoy viure leur vie durant) par des pensions viageres sur les biens desdits Templiers, en leur leuant seulement l'habit, ainsi qu'en ont fait mention les anciens Auteurs traitans de ceste matiere.

*Interfuerunt Concilio Patres ad trecentos, alij centum quatuordecim dicunt; duo Patriarchæ, Alexandrinus, Antiochenusque, Romanus Pontifex (ceteris omnibus auctoritate potior.) Ceterum Templariorum casu orbis Christianus conturbatus est, sentibus irrogata supplicia insontes conseruati, attributaque eis Patrum Viennensium decreto annuæ pensiones ex ipsius Canobiorum bonis inde vitam sustentarent insigni tantum veste detracta.*

Et dans ladite Bulle de l'extinction desdits Templiers donnee au Concile general dudit Vienne le 2. May 1311. est faite mention que grandes cõteltations furent faites audit Concile, auparauant resoudre que deuièdroient les biens desdits Tẽpliers l'imaginatiõ de nostre auteur n'y eust pas esté admise; voicy la resolutiõ dudit Cõcile au milieu de ladite Bulle.

*Ac postmodum ne dicta bona quæ dudum ad subsidium terre sanctæ, & impugnationem inimicorum fidei Christianæ à Christi cultoribus data, legata, concessa, & acquisita fuerunt, debita gubernatione carentia, tanquam va-*

cantia deperirent, vel conuerterentur in vsus alios, quam in illos ad quos fuerunt pia deuotione fidelium deputata, & propter raritatem ordinationis, & dispositionis huiusmodi, eorum destructio, vel dilapidatio sequeretur, cum fratribus nostris sancta Romana Ecclesia Cardinalibus, nec non Patriarchis, Archiepiscopis, Episcopis, & Prelatis, ac etiam nonnullis excellentibus, & illustribus personis, cum reliquorum quoque absentium Prelatorum ac etiam Capitulorum, & Conuentuum, Ecclesiarum, & Monasteriorum Procuratoribus in dicto Consilio constitutis, habuimus, ardua, morosa, & diuersa Consilia, & tractatus, ut per huiusmodi Consiliorum, & tractatum deliberationem, (præhabita diligenti dictorum bonorum ordinatione, & dispositione,) ad honorem Dei, augmentum fidei, exaltationem Ecclesiæ, diuina subsidium, salutem quoque fidelium ac quietem, salubris, & utilis proueniret. Postque longa, præmeditata, præuisa, & matura Consilia, suadentibus plurimis iustis causis, nostro, & dictorum Fratrum, nec non Patriarcharum, Archiepiscoporum, Episcoporum, & aliarum Prelatorum, ac excellentium, & illustrium personarum prædictorum in dicto Consilio tunc presentium, deliberationes, & Consilia in hoc finaliter recederunt, ut prædicta bona Ordini Hospitalis sancti Ioannis Hierosolymitani, & ipso Hospitali, ac dilectis filiis, Magistro, & Fratribus Hospitalis eiusdem, nomine Hospitalis, & Ordinis eorumdem, qui tantquam athleta Domini pro defensione fidei se periculis mortis iugiter exponentes onerosa nimis, & periculosa dispendia continuè perferunt, in partibus transmarinis, in perpetuum vniuerentur.

Le deuxiesme poinct de ceste dernière imposture, *Que les Roys d'Aragon, Castille, Portugal, Naples, Sicile, Angleterre, Cypre, & autres ont saisis, & possèdent les biens de cet Ordre dans leurs Estats.*

*Est pareillement faux & supposé, d'auoir que la Religion possède, & iouyt paisiblement de ses biens en tous les Royaumes susdits, sans aucun trouble, ny empeschement quelconque, fors que és deux Royaumes susdits d'Angleterre, & de Cypre, le premier vsurpé par vn Roy heretique, & le second par vn Monarque infidele.*

La Religion iouyt aussi de tous ses biens situez dans les Estats des Ducs de Milan, & de Sauoye, contre le troisieme poinct de Moncal.

L'on respond au quatriesme, *Que l'Empereur Charles le Quint saisit les biens dudit Ordre, & les posseda long temps par vn leger despit, sans que le Pape ait iamais tesmoigné de s'en offencer, ny user de censures contre aucuns de ces Princes, & Potentats.*

Que l'Empereur Charles V. n'a iamais iouy des biens dudit Ordre, non plus que les autres Princes, & l'Auteur n'en scauroit citer aucun.

Il est bien vray, qu'après la perte de Rhodes, pendant que la Religion faisoit son seiour à Viterbe, en l'année 1525. la guerre estant grande en Italie entre l'Empereur Charles V. & François I. Roy de France, le Pape craignant que ceste guerre ne se terminast au détriment de l'Italie & de l'Estat Ecclesiastique, fit confederation avec le Roy François, auquel temps le grand Maître de l'Isle Adam fit vn voyage en France, avec les galleres de la Religion ioinctes à celles du Pape Clement VII. que ledit

Empereur tenoit vn peu suspect, & qu'en effect l'on croyoit n'estre guerres amy del'Empereur, il suruint vne grande ialousie dans l'esprit des Ministres dudit Empereur, de ce que ledict grand Maistre estoit plu-  
 tost allé en France, qu'en Espagne, & à ce suiet firent incontinent se-  
 questrer les biens queladicte Religion possedoit au Royaume de Na-  
 ples, ceste nouueauté troubla tout le Couuent, qui estoit en ladicte ville  
 de Viterbe, bien que l'intention dudit grand Maistre, & du Pape, ne fut  
 autre que d'accorder les differens d'entre ledict Empereur, & le Roy de  
 France.

Ledit grand Maistre de Villiers ne fut si tost arriué en France, & en-  
 tretenue le Roy de ceste paix, qu'il s'en alla incontinent en Espagne trou-  
 uer ledit Empereur à Madrid, qui le receut avec grand honneur, & bien-  
 vueillance, l'embrassa, en l'appellant souuent, mon tres honoré Pere. Il  
 cognut d'abord par le premier discours dudit grand Maistre, qu'il auoit  
 vne tres-bonne intention pour le bien de la paix, entre luy, & le Roy de  
 France, & fut esclaircy au vray, que tous les soupçons que ses Ministres  
 luy auoient suggerez, n'estoient que legeretez, & vanitez, dont il en de-  
 meura tres-satisfait, & luy octroya incontinent la main-leuee dudit  
 sequestre, le tout fut fait en la mesme année 1525. sans que la Religion  
 perdit vn seul denier de ses reuenus, à l'occasion dudit sequestre. Voy  
 Bosio en la troisieme Partie, liure 3.

Au cinquiesme poinct, *Que ledict Empereur Charles V. reuint soubs ses  
 Couronnes toutes les grandes Maistrises des Ordres Militaires d'Espagne.*

L'on respond que tels Ordres estoient seculiers, & non reguliers, pos-  
 sedez par personnes seculieres, & mariees, & qu'ils dépendent immédia-  
 tement des Roys, & autres Princes Souuerains, ayans esté instituez pour  
 resister, & faire la guerre aux Infideles, & aux Mores, qui auoient occu-  
 pé tout le Royaume de Grenade, & vne grande partie des autres Royau-  
 mes d'Espagne.

Et la cause pour laquelle telles Milices auoient esté instituees estant  
 cessees, c'est à dire, les Mores chassés des Espagnes, tels Ordres se trouue-  
 rent apres inutiles sans exercice Militaire, & comme vagabonds, le  
 droit, & l'équité vouloit qu'ils fussent supprimez, & que leurs biens  
 (purs, temporels, sans aucune spiritualité) fussent deuolus au fisque du  
 Prince.

Par ainsi ledict Empereur Charles V. en supprima de son temps plu-  
 sieurs, à l'exemple du grand Ferdinand Roy de Castille, lequel aupara-  
 uant auoit pareillement supprimé plusieurs autres sortes desdits Ordres  
 Militaires, apres auoir subiugué les Mores, & chassés hors dudit Royau-  
 me de Grenade.

Outre que l'oisiuete auoit grandement depraué la vie, & les mœurs de  
 tels Cavaliers Militans, deuenus du tout insolens, & insupportables à vn  
 chacun dans l'Espagne, ainsi que rapportent les Historiens Espagnols en  
 la vie dudit grand Ferdinand.

*Mileum ij Milites inuerant ad Mauros ex vniuersa Hispania deturban-  
 dos. At Granata à Ferdinando Magno Castella Rege Mauris erepta, cum pa-  
 rum iam terroris ab hoste esset Ordinum Magistri, quamquam socij, & amici*

*Regibus plus equo formidabiles extiterunt, quod & opibus atque authoritate plurimum valerent, & tumulum bellaque saepe in prouincia concitarent, &c. Itaque ab Innocentio octauo Pont. Max. diploma est impetratum quo sublati Magistris eorum Ordinum administratio procuratioque omnis Castella Regibus credebatur, &c.*

Sa Majesté en peut faire de mesme de l'Ordre du Saint Esprit institué par le feu Henry III. & l'esteindre quand il luy plaira, comme ont fait les predecesseurs Roys de ceux qui ensuiuent.

Le Roy René d'Aniou institua vn Ordre Militaire, que ses Cheualiers portoient à leur col, avec la figure d'un croissant de Lune, en forme d'une monnoye d'or, en l'an 1464.

Jean I. fils de Philippe de Valois, institua de son temps l'Ordre des Cheualiers de l'Estoile, en l'an 1351.

Charles Martel, celuy des Cheualiers de la Genette, lesquels ont esté supprimez par les Roys leurs successeurs, quand il leur a plu.

Mais il n'en est pas de mesme de l'Ordre Saint Jean de Hierusalem, qui est vn Ordre regulier, tout spirituel, de mesme que les autres Ordres de saint Benoit, de saint Augustin, saint Bernard, & autres, tous lesquels Ordres ne sont pas si faciles à supprimer, & esteindre sans causes legitimes, le Pape, & toutel Eglise vniuerselle y a interest, & tels Ordres en corps, & en general, ne sont pas (*ad nutum amouibiles*) les Conciles generaux y sont requis, ainsi qu'il a esté rapporté à l'extinction del'Ordre des Templiers.

Voila en fin les obiections, & les intentions erronees, & ridicules du Cheualier de Moncal descouuertes, & la deffence de ceste tres noble, & sacree Milice Hierosolymitaine, le sage & prudent Lecteur iugera sagement du droit des parties, s'il luy plaist, ~~triera le bon grain entre les rizanes, & discernera facilement la Verité, fille unique du Ciel, d'avec tant de mensonges, faulxetez, & calomnies, tous auortons des tenebres.~~

F I N.

